


經籍考



經籍考卷之六十九

鄱陽馬端臨實錄

集詩集

陳氏曰九無他文而獨有詩及雖有他文而詩集復獨行者別為一類

阮步兵集

陳氏曰魏步兵校尉陳留阮籍嗣宗撰其題皆曰詠懷首卷四言十三篇餘皆五言八十篇通為九十三篇文選所收十七篇而已

宋武帝集一卷

陳氏曰孝武駿也

梁簡文集五卷

陳氏曰簡文帝綱也按隋志八十五卷唐已缺
五卷中興書目只存一卷詩百篇又缺其三首
今五卷皆詩總為二百四十四篇

梁元帝詩一卷

陳氏曰即湘東王繹

謝惠連集一卷

陳氏曰宋司徒參軍謝惠連撰本集五卷今惟
詩二十四首惠連得名早輕薄多冗累故仕不
顯死時才三十七歲

劉孝綽集一卷

陳氏曰梁祕書監彭城劉孝綽撰宋僕射勳之
孫本傳稱文集數十萬言今所存止此又言兄
弟及群從子弟當時有七十人並能屬文述古
未有其三妹亦並有才學適徐悱者文尤清拔
所謂劉三娘者今玉臺集中有悱妻詩

柳吳興集一卷

陳氏曰梁吳興太守河東柳惲文暢撰僅有十
八首

徐孝穆集一卷

陳氏曰陳太子太傅東海徐陵孝穆撰本傳補其

文喪亂散失存者二十一卷今惟詩五十餘篇
江總集一卷

陳氏曰陳尚書令考城江總總持撰總在陳為
太子詹事以宮端為長夜之飲及後主即位當
權任日為艷詩君臣皆亂以至亡國入隋為上
開府唐志集三十卷中興書目七卷今惟存詩
僅百首云

陰鏗集一卷

陳氏曰陳散騎常侍南平陰鏗子堅撰才三十
餘篇杜子美云李侯有佳句往往似陰鏗今考

之未見鏗之所以似太白者太白固未易似也
子美云爾殆必有說

薛道衡集一卷

陳氏曰隋內史侍郎河東薛道衡元卿撰詩凡
十九篇本集三十卷所存止此大抵隋以前文
集存全者亡幾多好事者於類書中抄出以備
家數也

史言道衡每至構文必隱空齋塌壁而卧聞戶
外人聲便怒其沉思如此

杜必簡集一卷

陳氏曰唐著作即襄陽杜審言必簡撰工部之祖也唐初沈宋以來律詩始盛行然未以平仄失眼為忌審言詩雖不多句律極嚴無一失粘者甫之家傳有自來矣然遂欲衙官屈宋則不可也

楊誠齋序略曰必簡嘗為吉州司戶今戶曹趙君彥清旁搜遠摭得其詩四十二首將刻棗以傳好詩且以為戶廳之寶玉大弓屬予集之余觀必簡之詩若牽絲紫蔓長即水荇牽風翠帶長之句也若鶴子曳童衣即儒衣山鳥怪之句

也若雲陰送暝雷即雷聲忽送千峯雨之句也若風光新柳報宴賞落花催即星霜玄鳥變身世白駒催之句也予不知祖孫之相似其有意乎抑亦偶然乎至如往來花不發新舊雪仍殘如日氣抱殘虹如愁思看春不當春明年春色倍還人如飛花攪獨愁皆佳句也三世之後莫之與京宜哉

薛少保集一卷

陳氏曰唐太子少保河東薛稷嗣通撰稷道衡曾孫魏徵外孫

喬知之集一卷

陳氏曰唐右司郎喬知之撰天授中為酷吏所陷死集中有綠珠怨蓋其所由以致禍也

孟襄陽集三卷

陳氏曰唐進士孟浩然撰宜城王士源序之凡二百十八首分為七類太常卿韋縉為之重序東坡謂浩然詩韻高而才短如造內法酒手而無材料耶

崔顥集一卷

陳氏曰唐司勳員外郎崔顥撰開元十年進士

才俊無行黃鶴樓注可盛傳于世

祖詠集一卷

陳氏曰唐祖詠撰開元十二年進士

崔國輔集一卷

陳氏曰唐集賢直學士禮部員外郎崔國輔撰開元十三年進士應縣令舉為許昌令天寶中加學士後以王鉞沈親坐貶詩凡二十八首臨海李氏本後又得石林葉氏本多六首

綦毋潛集一卷

陳氏曰唐待制集賢院南康綦毋潛孝通撰南

康今贛州

儲光羲集五卷

陳氏曰唐監察御史曾國儲光羲撰與崔國輔
綦毋潛皆同年進士天寶末任偽官貶死顧況
為集序

常建集一卷

陳氏曰唐盱眙尉常建撰

下江寧集一卷

陳氏曰唐龍標尉江寧王昌齡伯撰與常建
俱開元十四年進士二十二年選宏詞超絕群

類為汜水尉不護細行貶龍標世亂還里為刺史問立曉所殺為詩緒密而思清

李頎集一卷

陳氏曰唐李頎撰開元二十三年進士

崔曙集一卷

陳氏曰唐崔曙撰開元二十六年進士狀頭

杜工部詩集注三十六卷

陳氏曰蜀人郭之達所集九家注世有補東坡
杜詩故事者隨事造文一一牽合而皆不言其
所自出且其辭氣首末出一口蓋妄人依托以

欺亂流俗者書坊輒勦入集注中殊敗人意此
本獨削去之福清曾噩子肅刻板五年漕司字
大宜老家為善本

宋子京贊唐興詩人承陳隋風流浮靡相矜至
宋之問沈佺期等研揣聲音浮切不差而號律
詩競相沿襲逮開元間稍裁以雅正然恃華者
質反好麗者壯遠人得一槩皆自名所長至甫渾
涵汪洋千彙萬狀兼古今而有之他人不足甫
乃厭餘殘膏賸馥沾丐後人多矣故元稹謂詩
人以來未有如子美者甫又善陳時事律切

深至千言不少衰世號詩史昌黎韓愈於文章
少許可至歌詩獨推曰李杜文章在光焰萬丈
長誠可信云

朱子語錄曰杜詩初年甚精細晚年橫逸不可
當只意到處便押一箇韻如自秦州入蜀諸詩
分明如畫乃其少作也人多說杜子美夔州詩
好此不可曉夔州詩却說得鄭重煩絮不如他
中前有一節詩好曾直一時固有所見今人只
見曾直說好便却說好如矮人看場耳杜詩最
多誤字蔡宗正異固好而未盡其常欲賡之作

杜詩攷異竟未暇也如風吹蒼江樹雨洒石壁
來樹字無意思當作去字無疑去字對來字又
如蜀有漏天以其西北陰盛常雨如天之漏也
故杜詩云鼓角漏天東後人不曉其義遂改漏
字為滿字似此類極多

門類杜詩二十五卷

陳氏曰稱東萊徐宅居仁編次未詳何人

類集詩史三十卷

陳氏曰蒲陽方醇道溫叟編

王季友集一卷

陳氏曰唐王季友撰元結篋中集有季友詩二
首今此集有七篇而篋中二首不在焉杜詩所
謂鄴城客子王季友者意即其人也耶

陶翰集一卷

陳氏曰唐禮部員外郎丹陽陶翰撰開元十八
年進士次年宏詞

秦隱君集一卷

陳氏曰唐處士秦系公緒撰自天寶間有詩名
藩鎮奏辟皆不就嘗隱越之剡泉之南安至貞
元中年八十餘不知所終此本南安所刻余嘗

於宋次道寶刻叢章得其逸詩二首書冊末
岑嘉州集八卷

陳氏曰唐嘉州刺史南陽岑參撰文本之曾孫
天寶三載進士為補闕左史即官與杜甫唱和
李嘉祐集一卷

陳氏曰唐台州刺史李嘉祐從一撰天寶七載
進士亦號臺閣集李肇稱其水田飛白鷺夏木
轉黃鸝之句王維取之以為七言今按此集無
之

右謝惠連陰鏗杜審言儲光羲王昌齡常建

孟浩然岑參李嘉祐九家集晁氏書錄在別
集門所論已附在本明此更不重具

皇甫冉集一卷

晁氏曰唐皇甫冉茂政丹陽人天寶十五年進
士為無錫尉歷拾遺補闕卒與弟曾齊名當時
比張氏景陽孟陽云集有獨旅及序

皇甫曾集一卷

陳氏曰唐侍御史皇甫曾孝常撰天寶十二載
進士凡冊後曾三載登第
即士元詩一卷

晁氏曰唐郎士元字君胄中山人天寶十五載
進士爲郢州刺史與錢起俱有詩名而士元尤
更清雅時朝廷公卿出牧奉使若兩人無詩祖
行人以爲愧

包何集一卷

陳氏曰唐起居舍人延陵包何幼正撰

包佶集一卷

唐史藝文志何佶皆包融之子兄弟齊名世稱
二包融與儲光羲皆延陵人曲阿有餘杭尉丁仙
芝緜氏主簿蔡隱立監察御史蔡希周渭南尉

蔡希寂處士張彥惟張湘校書郎張暈吏部常
選周瑀長洲尉談戴句容有王府參軍殷遷硤
石主簿樊光橫陽主簿沈如筠江寧有右拾遺
孫處玄處士徐延壽丹徒有江都主簿馬挺武
進尉申堂構十八人皆有詩名殷蟠彙次其詩
爲丹陽集者

陳氏曰唐秘書監包佶選天寶六載進士兄何後年
錢考功集一卷

晁氏曰唐錢起徵之父吳郡人天寶中舉進士
初從鄉薦客舍月夜聞人哦於庭曰曲終人不

見江上數峯青起攝衣從之無所見矣及就試
詩題乃湘靈鼓瑟也起即以鬼謠十字為落句
主文李暉深嘉之擢至高第釋褐授校書郎終
考功與郎士元齊名時曰豈剛有沈宋後有錢郎
陳氏曰蜀本作前後集十二卷

韓翃集五卷

晁氏曰唐韓翃君平南陽人天寶十三載進士
淄清侯希逸宣武李勉繼辟幕府俄以駕部郎
中知制誥終於中書舍人翃詩興致繁富朝野
重之

陳氏曰翃以春城飛花之句受知德宗

顧況集二十卷

晁氏曰唐顧況字通翁蘇州人至德二年江東
進士善為歌詩性諧談德宗時柳渾輔政以祕
書郎召況善李泌及泌相自謂當得達官久遷
著作郎及泌卒有調笑語貶饒州司戶卒集有
皇甫湜序○陳氏曰湜嘗言吾自為顧況作序未
嘗許他人况在唐蓋為人推重也集本十五卷
今止五卷不全

嚴維集一卷

陳氏曰唐祕書郎山陰嚴維正文撰至德二載
薛藻宏麗科

耿滌集一卷

陳氏曰唐右拾遺河東耿滌撰寶應二年進士

登科記一作緯

常蘇州集十卷

陳氏曰唐常應物京兆人天寶時爲三衛後作
洛陽丞京兆府功曹知滁江二州召還或媚其
進媒孽之出爲蘇州刺史詩律自沈宋以後日
益靡曼鏗章刻句揣合浮切雖音韻諧婉屬對

麗密而詞雅平淡之氣不存矣獨應物之詩馳

驟建安以還得其風格云

韓子蒼曰蘇州少以三衛郎事玄宗豪縱不羈

玄宗崩始折節務讀書故其逢揚開府詩曰少

事武皇帝無賴恃恩私身作里中橫家藏亡命

兒朝持檟蒲局暮竊東隣姬司隸不敢捕在在

白玉墀一字都不識飲酒肆頑癡云云然余觀

其人爲性高潔鮮食寡欲所居掃地焚香而坐

與豪縱者不類其詩清深妙麗雖唐詩人之盛亦少

其比又豈以晚節把筆學爲者豈蘇州自序之過歟

徐師川云常蘇州詩人多言其古淡乃是不知
言自李杜以後古人詩法盡廢惟蘇州有六朝
風致最為流麗

司空文明集三卷

陳氏曰唐虞部郎中京兆司空曙文明撰別本
一卷才數篇

李端司馬集三卷

晁氏曰唐李端趙州人大曆五年進士為校書
郎卒官杭州司馬郭曖尚昇平公主賢明招納
士類故端等皆客之當坐上賦詩奇甚主大加

稱歎錢起曰素為之請賦起姓端立獻一篇云
新開金埒看調馬舊賜銅山許鑄錢起乃服主
喜厚賜之

盧綸詩一卷

晁氏曰唐盧綸與中孚韓翃錢起司空曙苗發
崔烟耿緯夏侯審李端皆能詩齊名號大曆十
才子綸字允言累舉進士不第

李益詩一卷

晁氏曰唐李益君虞姑臧人大曆四年進士調
鄭縣尉幽州劉濟辟從事憲宗雅聞其名召為

集賢殿學士負才凌籍士衆不能堪暴其獻濟
詩不上望京樓之句以涉怨望詔降秩俄復舊
益少負詞藻長於歌詩與宗人賀齊名每作一
篇樂工以賂求取被聲歌供奉天子征人早行
詩天下皆施之圖畫今集有從軍詩五十首而
無此詩惜其放逸多矣

陳氏曰益宰相揆之族子舊史本傳指其少有
癡疾防閑妻妾過於苛酷有散灰扃戶之談聞
於時故時謂之妬癡爲李益疾按世傳霍小玉
傳所謂李十郎詩開簾風動竹疑是故人來者

即益也舊史所載如此豈小玉將死訣絕之言
果驗耶抑好事者因其有此疾遂爲此說以實
之也

孟東野詩集十卷

晁氏曰唐孟郊東野湖州人貞元十二年進士
調溧陽尉辟爲興元參謀卒郊少隱嵩山性介
寡合韓愈一見爲忘形交爲詩有理致然思苦
澁李觀論其詩曰高處在古無上平處下顧二
謝云張籍謚爲貞曜先生集宋次道重編先時
世傳汴吳鏤本五卷一百二十四篇周安惠本

十卷三百三十一篇別本五卷三百四十篇蜀人寒濬用逸之贈郊句纂成池集二卷一百八十篇自餘不爲編秩雜錄之家家自異次道總拾遺逸摘去重複若體製不類者得五百十一篇四十聯句不與焉一贊二書附于後郊集於是始有完書

顏濱蘇氏曰唐人工於爲詩而陋於聞道孟郊嘗有詩曰食蕪腸亦苦強歌聲無歡出門如有礙誰云天地寬郊耿介之士雖天地之大無以安其身起居飲食有感感之憂是以卒窮以死

而李觀盛稱之至韓退之亦談不容口甚矣李人之不聞道也孔子稱顏子在不陋巷人不堪其憂回也不改其樂與郊異矣

朱倣詩一卷

晁氏曰唐朱倣字長通襄陽人隱居剡溪嗣曹王皋鎮江西辟節度參謀貞元初召爲拾遺不就

朱灣集一卷

陳氏曰唐永平從事朱灣撰自號蒼洲其爲從事李勉辟之也

麴信陵集一卷

晁氏曰唐麴信陵貞元元年進士為舒州望江
令以卒

長孫位輔集一卷

陳氏曰唐長孫佐輔撰按百家詩選云德宗時
人其弟公輔為州刺史往依焉當必有所據
也其詩號古調佳

柳宗元詩一卷

陳氏曰唐柳宗元撰子厚詩在唐與王摩詰
應物相上下頗有陶謝風氣古律絕句總一
四十五篇在全集中不便於觀覽因抄出別

東坡曰蘇李之天成曹劉之自得陶謝之超

固已至矣而杜子美李太白以英偉絕世之資

凌跨百代之詩人盡廢然魏晉以來高風絕

塵亦少衰矣李杜之後詩人繼出雖有遠韻而

才不逮意獨常應物柳子厚發纖穠於簡古寄

至味於淡泊非餘子所及也唐末司空圖崎嶇

兵亂之間而得詩人高雅獨有承平之遺風其

論詩曰梅止於酸益止於鹹飲食不可無益梅

而其美常在於鹹酸之外可以一唱而三歎也

子厚詩在陶淵明下韋蘇州上退之豪放奇險

則過之而溫麗清深不及也所貴於枯淡者謂
外枯而中膏似淡而實美淵明子厚之流是也
若中邊皆枯亦何足道佛言譬如食蜜中邊皆
甜人食五味知其甘苦者皆是能分別其中邊
者百無一也

後村劉氏曰柳子厚才高他文惟韓可對壘古
律詩精妙韓不及也當舉世為元和體韓猶未
免諧俗而子厚獨能為一家之言豈非豪傑之
士乎昔何文績嘗語李漢老云如子厚詩人豈
可不學他做數百首漢老退而嘆曰得一二首

似之足矣文績後從坊疔病中詩云歷歷通前
劫依依返舊窀人生會有死遺恨蒲軋坤雖意
極忠憤而語不刻急亦學柳之驗

張籍詩集五卷

晁氏曰唐張籍文昌和州人貞元十五年登進
士第終國子司業籍性狷急為詩長於樂府多
警句元和中和與白樂天孟東野歌詞天下宗之
謂之元和體一本總三卷

陳氏曰張洎所編錢公輔名木鐸集與他本相
出入亦有他本所無者凡十二卷近世湯中季

庸以諸本校定為張司業集八卷且考訂其為
吳郡人魏峻叔高刻之平江續又得木鐸集九
他本所無者皆附其末

王建集十卷

陳氏曰唐陝州司馬王建仲和撰建長於樂府
與張籍相上下大曆十年進士歷官昭應縣丞
太和中為陝州司馬尤長宮詞在集中第十卷
錄出別行

漁隱叢話余閱王建宮詞選其佳者亦自少得
只世所膾炙者數詞而已其間雜以他人之詞

如閑吹玉殿照華管醉折梨園縹蒂花十年一
夢歸人世絳縷猶封繫臂紗銀燭秋光冷畫屏
輕羅小扇撲流螢天階夜色涼如水卧看牽牛
織女星並杜牧之也淚滿羅巾夢不成夜深前
殿按歌聲紅顏未老恩先斷斜倚薰籠坐到明
此白樂天也寶仗平明金殿開暫將紈扇共徘徊
玉顏不及寒鴟色猶帶昭陽日影來此王昌
齡也建詞凡百有四篇又逸詞九篇或云元微
之亦有詞雜於其間余以元氏長慶集檢尋却
無之或者之言誤矣

舊跋王建大和中爲陝州司馬與韓愈張籍同時而籍相友善工爲樂府歌行思遠格幽初爲渭南尉與宦者王守澄有宗人之分因過飲相譏戲守澄深憾曰吾第所作宮詞禁掖深遠何以知之將奏劾建因以詩解之曰先朝行坐鎮相隨今上春宮見長時脫下御衣偏得着進來龍馬每教騎嘗承密旨還家少獨奏邊情出殿遲不是當家頗向說九重爭遣外人知事遂寢宮詞九百絕天下傳播徧此體者雖有數家而建爲之祖也

李長吉集四卷外集一卷

晁氏曰唐李賀長吉鄭王之孫七歲能詞章韓愈皇甫湜聞之過其家使賦詩援筆輒就自曰曰高軒過二人大驚年二十七終恊律郎賀詞尚奇詭爲詩未始先立題所得皆警邁遠去筆墨畦逕當時無能徇者樂府十數篇雲韶工合之絃管云或說賀卒後不相悅者盡取其所著投園中以故世傳者不多外集予得之梁子美家姚鉉頗選載文粹中王

宋景文諸公在館嘗評唐人詩云太白仙才長

吉鬼才然長吉有鴈門太守詩曰黑雲壓城城
欲摧甲先向日金鱗開王安石曰是兒言不相
副也方黑雲如此安得向日之甲光也
朱子語錄曰李賀詩巧然較恠不如太白自在
後村劉氏曰樂府惟李賀最工張籍王建輩皆
出其下然全集不過一小冊世傳賀中表有姪
賀才名投其集溷中故傳於世者極少余竊意
不然天地間尤物且不多得况佳句乎使賀集
不遭厄必不能一一如今所傳本之精善疑賀
手自銓擇者耳

盧全集一卷

晁氏曰唐盧仝范陽人隱少室山號玉川子微
諫議不起唐史稱韓愈為河南令愛其詩厚禮
之嘗作月蝕詩以譏元和逆黨愈稱其工按其
詩云元和庚寅蓋五年也憲宗遇弒在十五年
後十歲也豈追托庚寅歲事為詩乎不然則史
誣也後死于甘露之禍

陳氏曰仝三卷其詩古怪而女兒曲小婦吟有
所思諸篇輒嫵媚豔冶其第三卷號集外詩凡
十首慶曆中有韓盈者為之序川本止前二卷

劉又詩一卷

晁氏曰唐劉又少嘗任俠殺人後更折節讀善歌詩客韓愈門作水柱雪車二詩出盧仝李賀右歸齊魯不知所終今集二十餘篇不載二詩陳氏曰九二卷又附見新史韓愈傳不知何處人其冰柱雪車二詩狂恠誠出盧仝右然豈風人之謂哉

揚巨源詩一卷

晁氏曰唐揚巨源字景山河中人貞元五年第進士為張弘靖從事自秘書郎擢太常博士遷

禮部員外郎出為鳳翔少尹復召除國子司業巨元在元和中詩韻不造新語體律務實用功頗深旦暮搔首微詠不較年老成疾嘗贈弘靖詩叙其世家云伊陟無聞祖常賢不到孫時人稱之年蒲七十丐歸時幸惜其去以為其鄉少尹不絕其祿太和以官壽卒陳氏曰九五卷按韓退之有送揚少尹序蓋自司崇為少尹稱其都少尹者乃其鄉里也藝文志乃云太和河中少尹誤第三卷末二十餘篇有目無詩

武元衡臨淮集兩卷

晁氏曰唐武元衡伯蒼河南人建中四年進士
元和二年以門下侍郎平章事出為劍南節度
八年復秉政明年早朝遇盜害之元衡工五言
詩好事者傳之被於管絃嘗夏夜作詩曰夜久
喧暫息池臺惟月明無因駐清景日出事還生
翌日遇害舊有臨淮集七卷此其二也議者謂
唐世工詩宦達者唯高適宦達詩工者唯元衡
陳氏曰初用莆田李氏本傳錄後以石林氏本
校益六首及李吉甫唱酬六首川本作一卷

張碧歌詩集一卷

陳氏曰唐張碧太碧撰藝文志云貞元時人集
中有覽貫休上人詩或初入之也

陳羽集一卷

陳氏曰唐東宮衛佐陳羽撰貞元八年陸贄下
第二人

羊士鸚詩一卷

晁氏曰唐羊士鸚貞元元年進士第順宗時為
宣歙巡官王叔文所惡貶汀州寧化尉元和初
李吉甫知樊擢監察御史掌制誥嘗出為資州

刺史

陳氏曰竇群引士鶚為御史共傾李吉甫

鮑溶詩五卷

晁氏曰唐鮑溶字德源元和四年進士集中有別韓博士愈詩云不知無聲淚中感一顧厚蓋退之所嘗推激也張薦謂溶詩氣力宏贍博識清度雅正高古衆才無不備具曾子固亦愛其詩以史館本及歐公所藏互校得二百三十三篇今本有一百九十二篇餘逸

南豐曾氏曰鮑溶詩集六卷史館書舊題云鮑

防并五卷崇文總目叙別集亦然知制誥宋敏求為臣言此集詩見文粹唐詩類選者皆稱鮑溶作又防之雜感詩最顯而此集無之知此詩非防作也臣以文粹類選及叻雜感詩考之敏求言皆是又得參知政事歐陽脩所藏鮑溶集與此集同然後知為溶集決也史館書五卷總二百篇歐陽氏書無卷第總百餘篇然其三十三篇史館書所無今別為一卷附於後而總題曰鮑溶詩集六卷蓋自先王之澤熄而詩亡晚周以來作者嗜文辭抒情思而已然亦往往有

可采者溶詩尤清約謹嚴而遠理者少亦近世之能言者也故既正其誤謬且著其大旨以傳焉

竇拾遺集一卷

陳氏曰唐左拾遺扶風竇叔向撰包何爲序群庠年輩皆其子也

賈長江集十卷

晁氏曰唐賈島浪仙詩共二百七十九首唐書稱島范陽人初爲浮屠名無本後從韓愈遂去浮屠舉進士累舉進士不第文宗時坐飛謗謫

長江主簿會昌初終普州司倉參軍今長江祠堂中有石刻大中九年墨制大中宣宗年號與傳不合據言又載武帝時謫去尤差誤

陳氏曰韓退之有送無本詩即其人也後返初舉進士不第文宗時坐飛謗貶長江會昌初以普州參軍卒本傳所載如此今遂寧刊本首載大中墨制云此者禮部奏卿風狂遂且養疾關外今却携卷軸潛至京城遇朕微行聞卿諷詠觀其志業可謂屈人是用顯我特恩賜卿墨制宜從短簿別俟殊科與傳所稱飛謗不同蓋宣

宗好微行小說載島應對忤旨好事撰此制以實之安有微行而顯著訓詞者首稱奏卿風狂尤為好笑當以本傳亦據其墓誌也唐貴進士科故誌言責授長江如温飛卿亦謫方城尉當時謂鄉貢進士不博上州刺史則簿尉固宜謂之責授欲使今世進士得罪而責授簿尉則惟恐責之不早耳

姚少監集十卷

晁氏曰唐姚合也崇曾孫以詩聞元和十一年李定吉知舉進士歷武功主簿富平萬年尉寶

應中監察殿中御史戶部員外郎歷金杭二州刺史為刑戶二部郎中諫議大夫給事中陝魏觀察使開成未終秘書監世號姚武功云陳氏曰川本卷數同編次異

莊南傑集一卷

陳氏曰唐進士莊南傑撰與賈島同時

李涉歌詩一卷

晁氏曰唐李涉渤之弟也早從陳許辟一再謫官夷陵大和中為太學博士自號清溪子渤三

詩附

殷堯藩集一卷

陳氏曰唐侍御史殷堯藩撰元和九年進士

章孝標集一卷

陳氏曰唐祕書省正字章孝標撰元和十四年

進士

熊孺登集一卷

陳氏曰唐西川從事熊孺登撰元和中人執易

其從姪也

施育吾西山集五卷

晁氏曰唐施育吾吳興人元和十五年進士以

豫章之西山乃十二貞仙羽化之所心慕之因

卜隱焉且以名其所著自為之序

雍裕之集一卷

陳氏曰唐雍裕之撰未詳何時人

雍陶詩五卷

晁氏曰唐雍陶國鈞大和八年進士大中六年

自國子毛詩博士出刺簡州唐志集十卷今亡

其半

張南史集一卷

陳氏曰唐試參軍范陽張南史撰

唐史藝文志南史字季直幽州人以試參軍

亂于揚州再召之未赴而卒

王涯集一卷

陳氏曰唐宰相王涯廣濟撰

表不約集一卷

陳氏曰唐表不約還朴撰長慶三年進士其年

試麗龜賦

李紳追昔游集三卷

晁氏曰唐李紳公垂也其七州人元和元年進士

補國子助教穆宗召為翰林學士累進中書舍

人武宗即位拜中書侍郎平章事紳為人短小

精悍於詩最有名號短李與李德裕元稹同時

號三俊追昔游者蓋賦詩紀其平生所遊歷謂

起梁漢歸諫署并翰苑及播越荆楚踰嶺嶠上

高安移九江過鍾陵守滁陽轉壽春留洛陽廉

會稽分務東周守蜀鎮梁也開成戊午八月自

為之序

陳氏曰皆平生歷官及遷謫所至述懷紀遊之

作也余嘗書其後云讀此篇見其飾志矜能夸

榮殉勢益知子陵元亮為千古高人

朱景玄集一卷

陳氏曰唐太子諭德朱景玄撰

朱慶餘集一卷

陳氏曰唐朱可久慶餘撰以字行受知於張籍
寶曆二年進士

經籍考卷之六十九

經籍考卷之七十

鄱陽馬端臨貴與著

集 詩集

李義山集三卷

陳氏曰唐太學博士李商隱義山撰

詩話王荆公晚年亦喜稱義山詩以為唐人知
學老杜而得其藩籬惟義山一人而已每誦其
雪嶺未歸天外使松州猶駐殿前軍永憶江湖
歸白髮欲回天地入扁舟與池光不受月暮氣
欲沉山江海三年客乾坤百戰場之類雖老杜
亡以過也義山詩合處信有過人若其用事深

僻語工而意不及自是其短世人反以爲奇而效之故崑體之弊適重其失義山本不至是云詩到義山謂之文章一厄以其用事僻澁時稱西崑體然荆公晚年亦或喜之而字字有根帶如試問火城將策探何如雲屋聽窻知未愛京師傳谷口但知鄉里勝壺頭其用事琢句前輩無相犯者

漁隱叢話李義山詩揚大年諸公皆深喜之然淺近者亦多如華清宮詩云華清恩恨古無倫猶恐蛾眉不勝人未免被他褒女笑只教天子

暫蒙塵用事失體在當時非所宜言也豈若崔曾華清宮詩云障掩金鷄蓄禍機翠華西拂蜀雲飛珠簾一閉朝元閣不見人歸見燕歸又云草遶回磴絕鳴鸞雲樹深深碧殿寒明月自來還自去更無人倚玉欄干語意既精深用事亦隱而顯也義山又有馬嵬詩云如何四紀爲天子不及盧家有莫愁渾河中詩云咸陽原上英雄骨半是君家養馬來如此等詩庸非淺近乎

温庭筠金筌集七卷外集一卷

晁氏曰唐温庭筠本名岐字飛卿宰相彦博之

裔詩賦清麗與李商隱齊名時號温李能逐弦
吹之音為側艷之辭為行塵雜由是累年不第
終國子助教宣宗嘗作詩賜宮人句有金步搖
遣場中對之庭筠對以玉跳脫上喜其敏欲用
之而嘗作詩忤時相令孤絢終廢斥云

張祐詩一卷

晁氏曰唐張祐字承吉清河樂高尚客淮南杜
牧為度支使善其詩嘗贈之詩曰何人得似張
公子千首詩輕萬戶侯嘗作淮南詩有人生只
合揚州死禪智山光好墓田之句大中中果終

丹陽隱舍人以為識云 陳錄凡十卷

許渾丁卯集二卷

晁氏曰唐許渾字用晦圉師之後大和六年進
士為當塗太平二令以病免起潤州司馬大中
三年為監察御史歷虞部員外睦郢二州刺史
嘗分司於宋方丁卯間自編所著因以為名賀
鑄本跋云按渾自序集三卷五百篇世傳本兩
卷三百餘篇求訪二十年得沈氏曾氏本并取
擬玄天竺集校正之共得五百四十四篇予述
得渾集完本五百篇皆在然止兩卷唐藝文志

亦言渾集兩卷鑄補三卷者誤也

陳氏曰丁卯者其所居之地有丁卯橋蜀本又有拾遺二卷

後村劉氏曰杜牧許渾同時然各為體牧於唐律中常寓少拗峭以矯時弊渾則不然如荆樹有花兄弟樂橋林無實子孫忙之類律切麗密或過牧而抑揚頓判不及也二人詩不著姓名亦可辨樊川有續別集三卷十之八九皆渾詩牧佳句自多不必又取他人詩益之若丁卯集割去許多傑作則渾詩無一篇可傳矣

李遠集一卷

陳氏曰唐建州刺史李遠求古撰

于鵠集一卷

陳氏曰唐于鵠撰與張籍同時未詳何人

薛瑩集一卷

陳氏曰唐薛瑩撰號洞庭集文宗時人集中多蜀詩其曰壬寅歲者在前則為長慶四年後則為中和二年未知定何年也

薛逢歌詩二卷

晁氏曰唐薛逢陶臣河東人會昌元年進士終

秘書監持論鯁切以謀畧高自標顯與楊收王
鐸同年登第而逢文藝最優收作相逢有詩云
誰知金印朝天客同是沙隄避路人鐸作相逢
又有詩云昨日鴻毛萬鈞重今朝山岳一毫輕
二人皆怒故不見齒

喻鳧集一卷

陳氏曰唐烏程尉喻鳧撰開成五年進士

潘咸集一卷

陳氏曰唐潘咸撰不知何人與喻鳧同時藝文
志不載

項斯集一卷

陳氏曰唐丹徒尉江東項斯子遷撰初受知於
張籍水部而揚敬之祭酒方知之有逢人說項
斯之句會昌四年進士

趙嘏渭南詩三卷

晁氏曰唐趙嘏承祐也會昌四年進士終渭南
尉杜紫微讀其早秋詩云殘星幾點鴈橫寒長
笛一聲人倚樓因謂之趙倚樓云

馬戴集一卷

陳氏曰唐馬戴虞臣撰會昌四年進士

顧非熊集一卷

陳氏曰唐盱眙主簿顧非熊况之子會昌五年進士

薛許昌集十卷

晁氏曰唐薛能字大拙汾州人會昌六年登進士第大中末書判中選補盤屋尉辟太原陝虢河陽從事李福鎮滑表著觀察判官歷御史都官刑部員外郎福徙西蜀奏以自副咸通中攝嘉州刺史造朝遷主客度支刑部郎中俄刺同州京兆尹溫璋貶命權知尹事出帥咸化入授

工部尚書復節度徐州徙忠武廣明元年徐軍戍激水經許能以軍懷舊惠館之城中許軍懼見襲大將周岌棄衆疑恐遂能擄城自稱留後因屠其家能政嚴察絕私謁癖於詩日賦一章晚節惑浮屠法奉之唯謹然資駑倨故兆輕以忤物及爲藩鎮尤易武史嘗命其子屬橐鞬雅拜新進士或問其故曰與渠銷弭災咎云容齋洪氏隨筆曰能晚唐人詩格調不甚高而妄自尊大其海棠詩詩折楊柳十詩序可見而所作皆無過人又別有柳枝詞五首最後

一章曰劉白蘇臺總近時當初章句是誰推纖
腰舞盡春楊柳未有儂家一首詩自註云劉白
二尚書繼爲蘇州刺史皆賦楊柳枝詞世多傳
唱雖有才語但文字太僻宮商不高耳其大言
如此但稍推杜陵視劉白以下蔑如也今讀其
詩正堪一笑劉之詞云苑外春風吹酒旗行人
揮袂日西時長安陌上無窮樹唯有垂楊管別
離白之詞云紅板江橋青酒旗館娃宮暖日斜
時可憐雨歇東風定萬樹千條各自垂其風流
氣槩豈能所可髣髴哉○後村劉氏曰能自稱舉

太過五言云空餘氣長在天子用平人不但自
譽其詩又自譽其材然位歷節鎮不爲不用矣
卒以驕恣凌忽憤軍殺身其材安在妄庸如此
乃敢妄議諸葛可謂小人之無忌憚者

李群玉詩一卷

晁氏曰唐李群玉文山澧州人曠逸不樂仕進
專以吟詠自適詩筆妍麗才力邁健好吹笙美
筆翰親友強赴舉一上而止裴休廉察湖南延
郡中大中八年來京師進詩三百篇休復論薦
授弘文館校書郎集後附其進詩表并除官制

太平廣記所載黃陵廟事甚異其絕句在焉
陳氏曰裴休以處士薦集後有乞假歸別業及
朝士送行詩

曹鄴集一卷

陳氏曰唐洋州刺史曹鄴撰大中四年進士

鄭嵎津陽門詩一卷

晁氏曰唐鄭嵎字賓先太中五年進士津陽即
華清宮之外闕嵎開成中過之聞逆旅主人道
承平故實明日馬上裁刻成長句一千四百言
自有序云

陳氏曰或作愚者非也愚嘗為嶺南節度好差
錦半臂非此鄭嵎

劉駕集一卷

陳氏曰唐劉駕司南撰大中六年進士

李頻集一卷

陳氏曰唐建州刺史新定李頻德新撰大中八
年進士姚合之婿也

李郢端公詩一卷

晁氏曰唐李郢楚望也大中十年進士詩調清
麗居餘杭踈於馳競為藩鎮從事兼侍御史

陳蛻詩一卷

晁氏曰唐陳蛻未詳其行事集有長安十五詠自序云蛻生長江淮間以詩句從賦僅十餘年矣今我后撫運澤及四海蛻復得為太平人云云蓋肅代間人也

柳剡詩一卷

晁氏曰唐柳剡集有與李端盧綸輩相酬贈詩大曆間進士也

斷金集一卷

晁氏曰唐李逢吉令狐楚自未第至貴顯所著

和詩也後逢吉卒楚編次之得六十餘篇裴夷直名曰斷金集為之序

孟達詩一卷

晁氏曰唐孟達字叔之平昌人會昌五年陳商下及第

儲嗣宗集一卷

陳氏曰唐儲嗣宗撰大中十三年進士

司馬先輩集一卷

陳氏曰唐司馬札撰與儲嗣宗同時

李廓集一卷

陳氏曰唐武寧節度使李廓撰程之子也
于濱集一卷

陳氏曰唐于潛子漪撰咸通二年進士

李昌符集一卷

陳氏曰唐膳部員外郎李昌符撰咸通四年進

士

司空表聖集十卷

陳氏曰唐兵部侍郎司空圖表聖撰咸通十年
進士別有全集此集皆詩也其子永州刺史荷
為後記

薛平中集一卷

陳氏曰唐華陰尉聶夷中撰咸通十二年進士

許棠集一卷

陳氏曰唐宛陵許棠文化撰亦咸通十二年進

士

林寬集一卷

陳氏曰唐林寬撰與李頻許棠皆同時集有送

二人詩

周繇集一卷

陳氏曰唐周繇撰咸通十三年進士

無譏集四卷

陳氏曰唐崔魚撰僖宗時人

章碣集一卷

陳氏曰唐章碣撰亦僖宗時人

高蟾集一卷

陳氏曰唐御史中丞高蟾撰乾符三年進士

崔塗集一卷

陳氏曰唐崔塗禮山撰光啓四年進士

雲臺編三卷宜陽外編一卷

晁氏曰唐鄭谷字守愚宜陽人光啓三年擢高

第遷右拾遺歷都官郎中乾寧四年歸宜春
于別墅其集雲臺編者以其邑從華山下觀
所編次云谷詩屬思頗切於理而格韻凡猥語
句浮俚不競不為議者所多然一時傳諷號鄭
都官而弗名也

歐陽氏詩話曰鄭谷詩名盛於唐末號雲臺編
而世俗但稱其官為鄭都官其詩極有意思亦
多佳句但其格不甚高以其易曉人家多以教
小兒余為兒時猶誦之今其集不行於世矣

周朴詩二卷

唐處士周朴撰歐公詩話曰唐之晚年詩人無復李杜豪放之格然亦務以精意相高如周朴者構思尤艱每有所得必極其雕琢故時人稱朴詩月鍛季鍊未及成篇已播人口其名重當時如此而今不復傳矣余少時猶見其集其句有云風暖鳥聲碎日高花影重又云曉來山雨開雨過杏花稀誠佳句也

韓偓詩二卷香奩集一卷

晁氏曰唐韓偓致光京兆人龍紀元年進士累遷諫議大夫翰林學士昭宗幸鳳翔進兵部侍

郎承旨朱全忠怒貶濮州司馬榮懿尉天祐初挈族依王審知而卒香奩集沈括筆談以爲和凝所作疑旣貴惡其側艷故詭稱偓著或謂括之言妄許彥周詩話高秀實言元微之詩艷麗而有骨韓偓香奩集麗而無骨李端叔意喜韓偓詩誦其序云咀五色之靈芝香生九竅咽三危之瑞露美動七情秀實云勸不得也石林葉氏曰偓在閩所爲詩皆手自寫成卷嘉祐間裔孫奕出其數卷示人龐穎公爲漕取奏之因得官詩文氣格不甚高吾家僅有其詩百

餘篇世傳別本有名香奩集者唐書藝文志亦載其辭皆閨房不雅馴或謂江南韓熙載所為誤以為偃若然何為錄於唐志乎熙載固當有之然吾所藏偃詩中亦有一二篇絕相類豈其流落亡聊中姑以為戲然不可以為訓矣

又曰韓偓傳自貶濮州司馬後載其事即不甚詳其再召為學士在天祐二年吾家所藏偓詩雖不多然自貶後皆以甲子歷歷自記其所在乙丑年在袁州得人質復除戎曹依舊承旨詩即天祐二年也昭宗前一年已弒蓋哀帝之命

也末句云若為將朽質猶擬杖於朝固不往矣其後又有丁卯年正月聞再除戎曹依前充職詩末句云豈獨鳴夷辭歸去五湖漁艇且舖糟天祐四年也是嘗兩召皆辭唐史止書其一是歲四月全忠慕其召命自哀帝之世自後復召則癸酉年南安縣之作即柔之乾化二年時全忠亦已被弒明年梁亡其兩召不行非特避禍蓋終身不食梁祿其大節與司空表聖略相等惜乎唐史不能少發明之也

陳氏曰唐翰林學士吳融子華撰與偓皆龍紀
元年進士

張蠙詩一卷

晁氏曰偽蜀張蠙字象文清河人唐乾寧中進
士為校書郎櫟陽尉犀浦令建開國拜膳部員
外郎後為金堂令王衍與徐右遊大慈寺見壁
間書牆頭細雨垂纖草水面回風聚落花愛之
問知蠙句給札令以詩進蠙以二百首獻衍頗
重之將召為知制誥宋光嗣以其輕傲止賜曰
金而已蠙生而穎秀幼能為詩作登單于臺有

白日地中出黃河天外來之句為世所稱

靈溪集七卷

陳氏曰唐校書郎上饒王貞白有道撰乾寧二
年進士其集有自序永豐人有藏之者洪景廬
得而刻之詩雖多在一時儕輩未為工也

翁承贊集二卷

陳氏曰唐諫議大夫京兆翁承贊文苑撰乾符
二年進士

褚載集一卷

陳氏曰唐褚載厚之撰

王穀集一卷

陳氏曰唐王穀虛中撰二人皆乾寧五年進士
盧延讓詩一卷

晁氏曰僞蜀盧延讓子善也范陽人唐光化九年進士朗陵雷蒲辟蒲敗歸王建及僭號授水部員外郎累遷給事中卒官終刑部侍郎延讓師薛能詩不尚奇巧人多謂其淺俗獨吳融以其不蹈襲六奇之

牛嶠歌詩三卷

晁氏曰僞蜀牛嶠字廷之龍西人唐相僧孺之

後博學有文以歌詩著名乾符五年進士歷拾遺補闕尚書郎王建鎮西川辟判官及開國拜給事中卒集本三十卷自序云竊慕李長吉所為歌詩輒効之

常莊浣花集五卷

晁氏曰僞蜀常莊字端已仕王建至吏部侍郎平章事集乃其弟諲所編以所居即杜甫草堂舊址故名僞史稱莊有集二十卷今止存此

王駕集一卷

陳氏曰唐彭城王駕大用撰大順元年進士自

號守素先生

喻坦之集一卷

陳氏曰唐喻坦之撰

張喬集一卷

陳氏曰唐進士九華張喬撰喬與許棠張蠩鄭谷喻坦之等同時號十哲喬試京兆月中桂詩擅場傳於今而登科記無名蓋不中第也

高駢集一卷

陳氏曰唐淮南節度使高駢撰

周賀集一卷

陳氏曰唐周賀撰嘗為僧名清塞後反初故別

本又號清塞集

晁氏曰清塞字南卿詩格清雅與賈島無可齊名寶曆中姚合為杭因携書投謁合聞其誦哭僧詩云凍頂亡夜剃遺偈病中書大愛之因加以冠巾為周賀云

李洞詩一卷

晁氏曰唐李洞字才江諸王之孫慕賈島為詩銅鑄其像事之如神時人多謂其僻澁不貴其奇峭唯吳融稱之昭宗時不第遊蜀卒

陳氏曰與張喬同時稱餘杭明經潘熙載編
曹唐詩一卷

晁氏曰唐曹唐字克賓桂州人初爲道士咸通
中爲府從事卒作遊仙詩百編或歎之曰克賓
嘗作鬼詩唐曰何也井底有天春寂寂人間無
路月茫茫非鬼詩而何唐乃大哂今集中不見
然它詩及神仙者尚多

陳氏曰唐有大小游仙詩

來鵬集一卷

陳氏曰唐豫章來鵬撰咸通中舉進士不第

任藩集一卷

陳氏曰唐任藩撰或作翻客居天台有宿怡情
山絕句爲人所稱今城中巾子山也

後村劉氏曰唐任藩詩存者五言十首而已然
多佳句衆鳥已歸樹旅人猶過山贈僧云半頂
髮根白一生心地清居然可愛今人動爲千百
首而無一可傳者

方干詩集一卷

晁氏曰唐方干字雄飛歙人唐末舉進士不第
隱鏡湖上徐凝有詩名一見干器之授以詩律

其貌寢陋又兔明而喜陵侮嘗謁廉帥誤三拜
人號方三拜將薦于朝而卒門人謚玄英先生
其甥楊會與孫卨編次遺詩王贊爲序卨又爲
玄英先生傳附

王德輿詩一卷

晁氏曰唐王德輿集有次韻和鄭畋詩知其懿
僖間人也

沈彬集一卷

晁氏曰南唐沈彬保大中以尚書郎致仕居高
安集中有與常莊杜光庭貫休詩唐末三人

在蜀疑其同時避亂嘗入蜀云上李昇山水圖
詩在焉

熊皦屠龍集五卷

晁氏曰晉熊皦後唐清泰二年進士爲延安劉
景岩從事天福中說景岩歸朝擢右司諫坐累
黜上津令集有陶穀序陳沆賞皦早梅云一夜
欲開盡百花猶未知曰太妃容德於是乎在
陳氏曰集中多下第詩蓋老於場屋者

杜荀鶴唐風集十卷

晁氏曰唐杜荀鶴池州人大順二年進士善爲

詞句切理宣州田頔重之嘗以成問至梁祖薦
為翰林學士主客負外恃勢侮易搢紳衆怒欲
殺之而未及天佑初病卒有顧雲序荀鶴自號
九華山人 陳錄作三卷

幕府燕談杜荀鶴詩鄙俚近俗惟宮詞為唐第
一云早被婢娟誤欲粧臨鏡慵承息不在貌教
妾若為容風暖鳥聲碎日高花影重年年越溪
女相憶採芙蓉故諺云杜詩三百首惟在一聯
中正謂風暖日高之句也此為歐公詩話

詠史詩三卷

陳氏曰唐邵陽胡曾撰凡一百五十首曾咸通
末為漢南從事

羅江東集十卷

陳氏曰唐羅隱昭諫撰

劉滄詩一卷

晁氏曰唐劉滄字蘊靈大中八年進士詩頗清
麗句法絕類趙嘏

羅鄴集一卷

晁氏曰唐羅鄴撰

曹松集一卷

晁氏曰唐曹松夢徵也舒州人學賈島爲詩天復元年與王希羽劉象柯崇鄭希顏同登第年皆七十餘號五老榜時以新平內難聞放進士喜特勅授校書郎而卒

陳氏曰別本與印本互有詳畧但別本大遊仙十三首乃曹唐詩也

羅虬氏紅兒詩一卷

晁氏曰唐羅虬撰皇朝方性天註虬詞藻富贍與其族人隱鄰齊名時號三羅從鄜州李孝恭籍中有杜紅兒者善歌常爲副使者屬意副使聘鄰道虬請紅兒歌贈之以綵考恭不令受虬怒拂衣起詰旦手刃之既而追其究作絕句詩百篇借古人以比其艷盛行於世

唐彦謙鹿門詩一卷

晁氏曰唐唐彦謙字茂鄰并州人咸通末進士中和王仲榮表河中從事歷節度副使晉絳二州刺史重滌遇害貶漢中椽興元楊守亮留署判官遷副使閬壁刺史卒彦謙才高負氣無所摧屈博學多藝尤能七言詩師溫庭筠故格體類之世稱耳聞明主提三尺眼見愚民盜一杯

蓋彥謙句也自號鹿門先生有薛廷珪序

後村劉氏曰楊劉諸人師李義山可也又師唐

詩雖雕對偶然亦如一杯三尺之聯惜不多

見五言叙亂離云不見泥函谷俄驚火建章剪

牙行殿濕伐栢舊陵香語猶渾成未甚破碎若

西崑酬唱集對偶字面雖工而佳句可錄者殊

少宜為歐公所厭也

秦韜玉投知小錄三卷

晁氏曰唐秦韜玉字中明京兆人有詞藻工歌

吟而好進為田令孜所善僖宗幸蜀令孜引

為工部侍郎中和二年賜進士第編入春榜

東浮集九卷

陳氏曰唐荆南崔道融撰自稱東歐散人乾寧

乙卯永嘉山齋編成蓋避地於此今闕第十卷

唐詩三卷

陳氏曰崔道融撰皆四言詩述唐中世以前事

實事為一篇篇各有小序凡六十九篇

裴說集一卷

陳氏曰唐裴說撰天祐三年進士狀頭唐蓋將

亡矣說後為禮部員外郎世傳其寄邊衣古詩

甚麗此集無之僅有短律而已非全集也其詩有避亂一身多之句

劉德仁詩集一卷

晁氏曰唐劉德仁公主之子長慶中以詩名五言清瑩獨步文場者開成後昆弟皆居顯仕獨自苦於詩舉進士二十年竟無所成嘗有寄所知詩云外族帝王恩中朝親故稀翻令浮議者不許九霄飛及本詩僧棲白以絕句弔之曰恐若爲詩身到此冰魂雪魄已難招直教桂子落墳上生得一枝冤始銷

唐求集一卷

陳氏曰唐唐求撰與顧非熊同時藝文志不載

李山甫集一卷

陳氏曰唐魏博從事李山甫撰唐末進士不第

邵謁集一卷

陳氏曰唐國子生曲江邵謁撰集後有胡賓王者爲之序言其沒後降巫賦詩自稱邵先輩殆若今世請大仙之類耶

李推官披沙集六卷

陳氏曰唐李咸用撰其八世孫蕪孟達居宛陵

亦能詩嘗爲台州出其家集求楊誠齋作序
誠齋序畧曰推官公詩如見後却無語別來長
獨愁如危城三面水古樹一邊春如月明千嶠
雪灘急五更風如燈殘偏有燭雪甚却無聲如
春雨有五色灑來花旋成如雲藏山色時還媚
風約溪聲靜又回如未醉已知醒後憶欲開先
爲落聲愁蓋征人淒苦之情孤愁窈眇之聲駭
客婉約之靈風物榮悴之英所謂周禮盡在曾
矣讀之使人發融冶之歡於荒寒無聊之中動
慘戚之感於笑談方憚之後國風之遺音二三

之異曲孰謂其果弦絕歟

黃御史集

誠齋序畧曰詩至唐而盛至晚唐而工御史黃
公之詩尤奇如聞鴈一聲初觸夢半白已侵頭
餘燈依古壁片月下滄洲如遊東林寺寺寒三
伏雨松偃數朝枝如退居青山寒帶雨古木夜
啼猿此與韓致光吳融輩並遊未知何人徐行
後長也求豐君自言其集久逸其父考功公始
得之僅數卷而已其後求豐又得詩文五卷於
呂夏卿之家又得逸詩於翁承贊之家又得銘

竭於浮屠老子之宮而後御史公之文復傳於
二百年之後按唐藝文志御史諱滔字文江光
啓中爲四門博士其集舊曰黃滔集云
武陵集一卷 周濱集一卷 陳光集一卷 劉威集一卷
陳氏曰皆唐人于武陵大中進士餘莫詳何時
濱集仍藝文志不載

胡笳十八拍一卷

晁氏曰唐劉商撰漢蔡邕女琰爲胡騎所掠因
胡人吹蘆葉以爲歌遂翻爲琴曲其辭古淡商
因擬之以叙琰事盛行一時商彭城人擢進士

第歷臺省爲郎好道術隱義興胡父渚世傳其
仙去

鼎國詩三卷

晁氏曰後唐李雄撰雄洛鞏人莊宗同光甲申
歲遊金陵成都鄴下各爲詠古詩三十章以三
國鼎峙故曰鼎國

李有中詩二卷

晁氏曰南唐李有中嘗爲新塗令與水部郎中
孟賓于善賓于補其詩如方干賈島之徒賓于
晉天福中進士也有中集中有贈韓張徐三舍

人詩韓乃熙載張乃洎徐乃鉉也春月詩云
坤一夕雨草木萬方春頗佳也皆稱是

殷文珪集一卷

陳氏曰唐殷文珪撰軋寧五年進士後仕南唐
其子曰崇義歸朝更姓名即湯悅也

盧士衡集一卷

陳氏曰後唐盧士衡撰天成二年進士

劉昭禹集一卷

陳氏曰湖南天策府學士桂陽劉昭禹撰

符蒙集一卷

陳氏曰題符侍郎同光三年進士也同年四人
蒙初為狀頭覆試為第四

李建勳集一卷

陳氏曰南唐宰相李建勳撰

孟賓于集一卷

陳氏曰五代進士孟賓于撰仕湖南江南

廖匡圖集一卷

陳氏曰湖南從事廖匡圖撰

江為集一卷

陳氏曰五代建安江為撰為王氏所誅嘗漢軋

枯中

劉一集一卷

陳氏曰似唐末五代人藝文志不載其詩怪而不律亦不工

文丙集一卷

陳氏曰稱布衣文丙所業未詳何人

蔣吉集一卷

蔣極集一卷

王周集一卷

陳氏曰皆未詳何人

皎然杼山集十卷

晁氏曰唐僧皎然字清晝吳興人謝靈運十世

孫攻篇什續宗詔錄本納集賢院集前有于瓚

亭并贈畫上人詩

陳氏曰顏魯公為刺史與之酬倡其後刺史為

作集序所居龍興寺之西院今天寧寺是也又

嘗居杼山寺在妙喜

唐史藝文志顏貞卿為刺史集文士撰韻海敬

源預其論著貞元中集賢御書院取其集藏之

石林葉氏曰唐詩僧皎然居湖州妙喜今寶積

寺是其故廬自言謝靈運後詩祖其家法自許

甚高顏魯公為守時與張志和陸鴻漸皆為客

意其人品亦必不凡吾嘗至妙喜訪其遺跡無復有但山顛墳存耳其詩十卷尚行於世無甚令人喜者以為優於唐詩僧可也觀其詩評亦貶駁老杜如論送高三十五書記詩云崆峒小麥熟且願休王師請君問主將安用窮荒為以為四句已前不見題則其所知可見矣

僧靈澈詩集一卷

澈姓湯字源澄越州人劉夢得序曰如芙蓉園新寺詩云經來白馬寺僧到赤烏年謫汀州云青蠅為弔客黃耳寄家書可謂入作者關域者

特雉於詩僧間耶雪浪齋日記靈澈詩僧中第一

一如海月生殘夜江春入暮年窓風枯硯水山

雨慢琴弦前輩評此詩云轉石下千仞江

寶月詩一卷

晁氏曰唐僧貫休撰字德隱姓姜氏婺州人後入蜀號禪月大師初莫融為之序其弟子曇域削去別為序引偽蜀乾德中獻之

靈一集一卷

陳氏曰唐僧與皇甫曾同時

無可集一卷

陳氏曰唐僧賈無可撰島弟也

碧雲詩一卷

晁氏曰唐僧虛中詩也司空圖嘗以詩贈之云
十年太華無知己只得虛中一首詩

白蓮集一卷

陳氏曰唐僧齊已撰長沙胡氏

柳白集一卷脩睦東林集卷尚顏供奉集一卷

陳氏曰皆唐僧自貫休而下盡唐末人也脩睦
死於惟楊朱僅之難

薛洪慶詩一卷

晁氏曰唐薛濤字洪慶西川樂妓工為詩當時

人多與酬贈武元衡奏校書郎大和中李肇

云樂妓而工詩者濤亦文妖也

陳氏曰號薛校書世傳奏稷恐無是理殆一時
州鎮褒借為戲如今世白帖借補之類耶濤得

年最長至近八十

李季蘭集一卷

陳氏曰唐女冠與劉長卿同時相譏調之語見

中興間氣集

魚玄機集一卷

陳氏曰唐女冠坐妬殺女婢抵死

花蔡夫人詩一卷

晁氏曰偽蜀孟昶愛姬青城費氏女幼能屬文長於詩宮詞尤有思致蜀平以俘輸織室後有罪賜死

伍喬集一卷

陳氏曰本江南進士後歸朝

李九齡集一卷

陳氏曰洛陽李九齡撰乾德二年進士第三人

經籍考卷之七十

經籍考卷之七十一

鄱陽馬端臨貴與著

集詩集

寇忠愍詩三卷

晁氏曰寇準字平叔華州人太平興國中登進士科淳化五年參知政事定策立貞宗為皇太子景德元年拜平章事契丹入寇決親征之策凡三入相貞宗不豫皇后預政準白上請太子監國因令楊億草制且進億以代丁謂詰朝準被酒漏言累貶雷州司戶徙衡州司馬卒仁宗時贈中書令謚忠愍嘗封萊國公初篤學喜屬

文尤長詩什多得警句可在相位論議忠直不顧
身謀仇邪媒孽既以謫死或又謗之云在相位
時與張齊賢相傾朱能爲天書降乾祐準知而
不言曾子固明其不然曰審如是丁謂拂須固
足以悅之司馬溫公訓儉文亦言其奢侈子孫
丐於海上然以史考之萊公蓋無子也集有范
雍叙共二百四十首野水無人渡及江南春二
首皆在獨到海只十里之詩已亡其全篇矣
陳氏曰巴東集三卷公初以將作監丞知巴東
縣自擇其詩百餘篇且爲之序今刻於巴東忠

愍公集三卷乃河陽守范雍得公詩二百首爲
三卷今刻板道州

張刑部詩

王介甫序君詩明而不華喜諷道而不刻切其
唐人善詩者之徒歟君並揚劉生揚劉以其文
詞染當世學者迷其端原靡然窮日力以摹之
粉墨青朱顛錯叢瓦無文章黼黻之序其屬情
籍事不可考據也方此時自守不污者少矣君
詩獨不然其自守不污者耶

魏仲先草堂集二卷 鉅鹿東觀集二卷

晁氏曰魏野字仲先陝州人志清逸以吟詠自
娛忘懷榮利隱于陝之東郊手植竹木繞以流
泉鑿土袤丈曰樂天洞前立草堂為詩清苦句
多警策與寇準王旦善每往來酬言祀汾陰歲
召不起卒贈著作郎集有薛田序鉅鹿東觀集
乃野之子閑集其父詩四百篇以題著作故以
東觀名集

潘道遥詩三卷

晁氏曰皇朝潘閑字道遥大名人通易春秋尤
以詩知名太宗嘗召對賜進士第將官使之不

就王繼恩與之善繼恩下獄捕閑甚急久之弗
得咸平初來京師尹收繫之真宗釋其罪以為
滁州參軍後卒于泗上與王禹偁孫何柳開魏
野交好最密集有祖無擇序錢勣張逵皆碣其
墓附于集後蘇子瞻少年時過一山院見壁上
有句云夜涼知有雨院靜苦無僧而不知何人
詩今集有此聯乃閑夏日宿西禪院詩也小說
中謂閑坐廬多遜黨嘗追捕非也

陳氏曰閑嘗賜及第後坐追奪變姓名僧服入
中條山卒於泗州又有嚴陵刻本同但少卷末

三首

東里揚聘君集一卷

陳氏曰魏士鄭圃揚朴契元撰太宗嘗召對拜
郎中不受以其子為長水尉

滕工部集一卷

陳氏曰滕白撰篇首寄陳搏知為國初人又有
右省懷山中及臺中寄朱從事詩則其揚歷清
要亦多矣史傳亡所見未有考也

王岳集一卷

陳氏曰王岳撰集中有春日感懷上滕白郎中

蓋亦國初人又有聖駕親征河東及有甲午遊
寇全家歎下荆南之語則是李順亂蜀之歲岳
蓋蜀人也耶

漁舟集一卷

陳氏曰處士成都郭震希聲撰自稱汾陽山人
李旼為作集序淳化四年忽作詩曰朝出東門
遊東門好春色青青原上草莫放征馬食請闕
獻書言蜀利病未幾順賊已作矣

王初歌詩集一卷

陳氏曰王初撰未詳何人有延平天慶觀詩當

是祥符後人也

書臺集三卷

陳氏曰處士南隆宋有大有撰自稱雲臺山人天禧中王晦叔守蜀以古風六十言遺之書臺者其所居坊名也

甘棠集一卷

陳氏曰知制誥上蔡孫僅鄰幾咸平元年進士第一人後其兄何一勝嘗從何通判陝府以所賦詩集而序之首篇曰甘棠思循吏故以名集僅兄弟皆不壽故不大顯

錢氏白歌詩二卷

陳氏曰翰林學士吳越錢易布白撰廢玉條之子咸平二年進士第二人景德二年制科初錢氏歸國群從皆補官獨易與兄昆不見錄遂刻志讀書皆第進士昆至諫議大夫易子彦遠明逸又皆以賢良方正入等宋興父子兄弟制舉登科者惟錢氏一門易有集百五十卷未見家止有此及滑稽集四卷而已

林和靖詩三卷

西湖紀逸一卷

晁氏曰林逋字君復杭州錢塘人少刻志為學

結廬西湖之孤山真宗聞其名詔郡縣常存遇
之善行書喜為詩其語孤峭澄淡臨終作一絕
曰茂陵他日求遺藁猶喜初無封禪書或刻石置
之其墓中賜謚曰和靖先生

清風集一卷

陳氏曰職方負外郎鮑當撰

石曼卿集一卷

晁氏曰石延年字曼卿南京宋城人舉進士不
中為三班奉職改大常寺太祝遷秘閣校理氣
貌雄偉喜論事善書札縱酒不羈也多傳其仙

去其詩如春陰紅梅友樂意相閑禽對語生香
不斷樹交花鴛聲不逐春光老花影常隨日脚
流之句至今諷詠焉

陳氏曰其詩自為序石介復為作序其仕以三
舉進士為三班奉職出處詳見歐公所作墓誌
歐公詩話曰石曼卿自少以詩酒豪放自得其
氣魏偉然詩格奇峭又工於書筆畫道勁體兼
顏柳為世所珍余家嘗得南唐後主澄心堂紙
曼卿為余以此紙書其籌筆驛詩詩曼卿平生
所自愛者至今藏之號為三絕貞余家寶也曼

卿卒後其故人有見之者云恍惚如夢中言我
今爲鬼仙也所主芙蓉城欲呼故人往遊不得
忿然騎一素驪去如飛其後又云降於亳州一
舉子家又呼舉子去不得因留詩一篇與之余
亦畧記其一聯云鶯聲不逐春光老花影長隨
日脚流神仙事怪不可知其詩頗類曼卿平生
語舉子不能道也

張浮休評曼卿詩如飢鴈夜歸岩水春拚俊爽
有餘而不可尋繹朱子語錄因舉石曼卿詩極
有好處如仁者雖無敵王師固有征無私乃時

而不殺是天聲一篇其舊於某人處見曼卿親
書此詩大字氣必方嚴道勁極可寶愛真所謂
顏筋柳骨令人喜蘇子美字遠不及矣如壽筆
驛詩意中流水遠愁外舊山青又樂意生香之
句極佳可惜不見其全集

後村劉氏曰石曼卿詩惟壽筆驛詞翰俱妙人
所傳誦及樂意相關禽對語生香不斷樹交花
一聯爲伊洛中人所稱他作若不甚見晚得其
集石徂徠作序稱其與穰參軍以古文自任而
曼卿尤豪於詩石自序性懶有作不能錄早時

解記數百篇過壯記益衰近幾盡廢有收百篇
來者覽之或尚能識或如非已言久廼能辨遂
併近詩存三百篇藏之于家歐公尤重其人范
公有鑿幽索秘破堅發竒高凌虹霓清出金石
之評集中華山泰山嵩山五言長篇各一首筆
力在薛能之上餘詩尚多五言云行人晚更
急歸鳥夕無行天寒河影淡山凍瀑聲微水盡
天不盡入在天盡頭草白有時榮髮白不再好
人生不如春髮白不如草芑下尖冥鴻網細遺
巨鷗風勁香逾遠天寒色更鮮秋天買不斷無
意學金錢七言云洛渚微波長映步漢宮香水
不濡肌獨步世無吳苑豔渾身天與漢宮香耻
無湯武干戈域寧死唐虞揖遜區汾河不斷天
南流天色無情淡如水南朝文物盡清賢不事
風流即放言三百年間却堪笑絕無人可定中
原中散向人踈懶甚步兵因酒過差多皆清拔
有氣骨

呂文靖集五卷

陳氏曰丞相許國文靖公壽春呂夷簡坦夫撰
文靖不以文鳴而其詩清潤和雅未易及也

陳亞之集一卷

晁氏曰陳亞字亞之性滑稽喜賦藥名詩仕至司封郎中藥名詩始於唐人張籍有江皋歲暮相逢地黃葉霜前半下枝之詩人謂起於亞實不然也

陳氏曰咸平五年進士有集三卷藥名詩特其一体耳如馬斯曾到寺犬吠乍行村吏辭如賀日已送自迎時皆佳句不在此集也

金陵覽古詩三卷

陳氏曰虞部員外郎楊備撰億之弟也

李問集一卷

陳氏曰國子博士廣陵李問舜俞撰

蘇才翁集一卷

晁氏曰蘇舜元字才翁子美凡也工草隸詩章豪麗

晁君成集十卷別集一卷

陳氏曰新城令晁端友君成撰東坡為作序補之其子也

東坡序畧曰晁君成君子人也吾與之游三年知其為君子而不知其能文與詩而君亦未嘗

一語及此者其後君既沒其子補之出君之詩三百六十篇讀之而驚曰嗟乎詩之指雖微然其美惡高下猶有可以言傳而指見者至於人之賢不肖其深遠茫昧難知蓋甚於詩今吾尚不能知君之能詩則其所謂知君之爲君子者果能盡知之乎君以進士得官所至民安樂之惟恐其去然未嘗以一言求於他人凡從事二十三年而後改官以沒由此觀之非獨吾不知舉世莫知之也君之詩清厚靜深如其爲人而每篇輒出新意奇語宜爲人所共愛其勢非若深自覆匿人必知之而其子補之於文無所不能博辨俊偉絕人遠甚將必顯於世吾是以知有其實而辭其名者之必有後也

杜師雄詩一卷

晁氏曰宋朝杜默字師雄徂徠人石介作三豪篇所謂歌之豪者蘇子瞻頗陋之

鄭成之集十卷

晁氏曰宋朝鄭褒字成之閩人登進士第慕韓愈爲文陳詰爲編次其集張景爲之序

將歸集一卷

晁氏曰未詳何人有題林逋隱居詩當是昭陵時人也

徐仲車詩一卷

晁氏曰宋朝徐積字仲車東莞人

黃虞部詩一卷

晁氏曰宋朝黃觀昭陵時嘗將漕成都

邵堯夫擊壤集二十卷

晁氏曰宋朝邵雍堯夫隱居洛陽熙寧中與常秩同召力辭不起遂於易數始為學至二十年不施枕榻睡其精思如此歌詩蓋其餘事亦頗

切理盛行于時卒謚康節集自為序

朱子語錄康節之學其骨髓在皇極經世書其花草便是詩

韓持國詩三卷

晁氏曰韓維字持國億之子也與其兄子華正汝俱位宰相持國最能詩世傳其醖醖絕句他多稱是

註荆公詩十五卷

陳氏曰叅政眉山李壁李章撰謫居臨川時所作助之者曾極景建魏鶴山作序

石林詩話曰荆公少以意氣自許故詩語惟其所向不復更爲涵蓄如天下蒼生待霖雨不知龍向此中蟠又濃綠萬枝紅一點動人春色不須多又平治險穢非無力潤澤焦枯是有才之類皆直道其胷中事後爲群牧判官從宋次道盡假唐人詩集博觀而約取晚年始盡深婉不迫之趣乃知文字雖工拙有定限然必視其幼壯雖公方其未至亦不能力強而遽至也又曰荆公晚年詩律猶精嚴造語用字間不容髮然意與言會言隨意遣渾然天成殆不見有

牽率排比處如含風鳴綠鱗鱗起弄日鵝黃巢裊垂讀之初不覺有對偶至細數落花因坐久緩尋芳草得歸遲但見舒閑容與之態耳而字字細攷之皆經櫟括權衡者其用意亦深刻矣嘗與葉致遠諸人和頭字韻詩往返數四其末篇云名譽子真居谷口事功新息困壺頭以谷口對壺頭其精切如此後數月取本追改云豈愛京師傳谷口但傳鄉里勝壺頭今集中兩本並存漫叟詩話荆公定林後詩精深華妙非少作之

比嘗作歲晚詩云月映林塘靜風涵笑語涼俯
窺怜淨綠小立佇幽香携幼尋新葯扶衰上野
航延緣久未已歲晚惜流光自以比謝靈運議
者亦以爲然

後山詩話曾直謂荆公之詩莫年方妙然格高
而體下如云自聞青秧底復作龜兆坵乃前人
所未道又云扶輿度陽燄窈窕一川花謂包含
數个意雖前人亦未道然學三謝失於巧耳
又云荆公詩云力去陳言誇末俗可怜無益費
精神而公平生文体數變莫年詩益工用意益

若故言不可不謹也

張浮休評王介甫詩如空中之音相中之色欲
有執着而曾不可得

臨川詩選一卷

陳氏曰汪藻彥章得半山別集皆罷相山居時
老筆過江失之遂於臨川集錄出又言有表啓
十餘篇不存一字

註東坡詩四十二卷年譜目錄各一卷

司諫吳興施元之德初與吳郡顧景蕃共爲之
元之子宿從而推廣且爲年譜以傳於世陸放

翁作序頗言註之難蓋其一時事實既非親見
又無故老傳聞有不能盡知者噫豈獨坡詩哉
註杜詩者非不多徃徃穿鑿附會皆臆決之過
也

張浮休評子瞻詩如武庫初開戈矛森然觀者
不覺神懣若一一尋之不無利鈍

放翁陸氏序略曰唐詩人最盛名家者以百數
惟杜詩註者數家然槩不為識者所取近世有
蜀人任淵嘗註宋子京黃魯直陳無已三家詩
頗稱詳贍若東坡先生之詩則援據闕博指趣

深遠淵獨不敢為之說某頃與范公至能會於
蜀因相與論東坡詩慨然謂余足下當作一書
發明東坡之意以遺學者某謝不能後二十五
年某告老居山陰吳興施宿武子出其先人司
諫公以絕識博學名天下且用工深歷歲久又
助之以顧君景蕃之該洽則於東坡之意蓋幾
可以無憾矣

山谷集十一卷外集十一卷別集二卷

陳氏曰黃庭堅魯直撰江西所刻詩派即豫章
前後集中詩也別集者慶元中莆田黃汝嘉增

刻

山谷編年詩集三十卷年譜二卷

陳氏曰山谷詩文其甥洪氏兄弟所編斷自進德堂以後今外集所載數卷有晚年刪去者故任子淵所註亦惟取前集而已監丞黃留子耕者其諸孫也即會粹別集復盡其平生詩以歲月次第編錄且爲之譜今刊板括蒼

後山集六卷外集五卷

陳氏曰陳師道無已撰亦於正集中錄出入詩派江西宗派之說出於呂本中居仁前輩固有

議其不然者矣後山雖曰見豫章之詩盡其學而學焉然其造詣平澹真趣自然實豫章之所闕也

註黃山谷詩二十卷註後山詩六卷

陳氏曰新津任淵子淵註鄱陽許尹爲序大抵不獨註事而兼註意用工爲深二集皆取前集陳詩以魏衍集記冠焉
後村劉氏曰國初詩人如潘閔魏野規規晚唐格調寸步不敢走作楊劉則又專爲崑體故優入有擗扯義山之誚蘇梅二子稍變以平淡豪

後而和之者尚寡至六一坡公巍然爲大家數
學者宗焉然二公亦各極其天才筆力之所至
而已非必鍛鍊勤苦而成也豫章稍後出會粹
百家句律之長究極歷代體製之變蒐獵奇書
穿穴異聞作爲古律自成一家人雖隻字半句不
輕出遂爲本朝詩家宗祖在禪學中比得達磨
不易之論也其內集詩尤善信乎其自編者填
見趙履常極宗師之近時詩人惟趙得豫章之
意有絕似之者

又曰後山樹立甚高其議論不以一字假借人

然自言其詩師豫章公或曰黃陳齊名何師之
有余曰射較一鏃奕角一着惟詩亦然後山地
位去豫章不遠故能師之若同秦晁諸人則不
能爲此一言矣此惟深於詩者知之文師南豐
詩師豫章二師皆極天下之本邑故後山詩文
高妙一世然題太白畫像云江西勝士與長吟
後來不憂身陸沉勝士謂饒德操也按德操此
詩去手污吾足之作大爭地位太白非德操遂
陸沉耶似非篤論

盧載雜歌詩一卷

示

陳氏曰盧載厚元撰集中有與胡則錢惟演往來詩

琴軒集一卷

陳氏曰題南榮浪翁李有慶撰與石昌言任師中同時卷末贈卷十二絕闕其六其曰癸巳歲者殆皇祐中耶

元章簡詩集十卷

陳氏曰叅政元絳厚之撰

劉景文集十卷

陳氏曰左藏庫使知隰州劉季孫景文撰環慶

死事將平之子也東坡嘗薦之坡在杭季孫寄詩有四海共知霜鬢滿重陽曾插菊花無之句其詩忼慨有氣如其為人

廣諷味集五卷

陳氏曰吏部侍郎南京王欽臣仲至撰

海門集八卷

陳氏曰渤海張重撰有上蘇子瞻內翰詩又有張伯玉遊鑑湖晚歸詩伯玉知越州當嘉祐末而東坡為翰苑在元祐間重皆與同時特未詳其人

王岐公宮詞一卷

陳氏曰王珪禹玉撰

逸民鳴一卷

陳氏曰盱江李樵撰泰伯之姪孫

湛推官集一卷

陳氏曰長樂湛鴻季潛撰紹聖初韓昌國序

青山集三十卷

陳氏曰朝奉郎當塗郭祥正功父撰初見賞於梅聖俞後見知於王介甫仕不達而卒李端叔晚寓其鄉祥正與之爭名未嘗同堂至為俚語

以譏誚之則其為人不足道也

張浮休評郭祥正詩如大排筵席二十四味終日揖讓而適口者少

方秘校集十卷

陳氏曰莆田方惟深子通撰其父屯田龜年葬吳遂為吳人與朱伯原善以女嫁伯原之子嘗舉進士冠其鄉不第晚得與化軍助教年八十三以卒王荆公最愛其詩精詣警絕始余得其詩二卷乃其姪孫蕭山宰翱所編後乃知莆中嘗刊板為十卷且載程俱致道所作墓誌於末

曾慥詩選直以爲姑蘇人者誤也詩選又言荆公愛其春江渺渺一絕手書之遂載臨川集曾紆南游記舊亦云而其詩則客帆收浦者也二詩皆不在今集中豈以臨川集已收故耶二本大畧同亦微有出入

慶湖遺老集九卷拾遺二卷

陳氏曰朝奉郎共城賀鑄方回撰自序言外監知章之後且推本其初出王子慶忌以慶爲姓居越之湖澤今所謂鏡湖者本慶湖也避漢安帝父清河王諱改爲賀氏慶湖轉爲鏡未知其

說何所據也東山樂府張文潛序之鑄後居吳下葉少蘊爲作傳詳其出處且言與米芾齊名然鑄生皇祐壬辰視米葉猶爲前輩也

揉縵集五卷

陳氏曰周邦彥撰亦有全集中所無者

司馬才仲夏陽集兩卷

晁氏曰司馬摶字才仲溫公之姪孫元祐初與王當輩同中賢良科調官錢塘喜賦宮體詩故

世傳其爲鬼物所祟而卒

司馬才叔逸堂集十卷

晁氏曰司馬棫字才叔才仲之弟也登進士第亦嘗應賢良以黨錮不召詩雖纖艷比其兄稍莊雅

得全居士集三卷

陳氏曰趙鼎元鎮撰全集號忠正德文其曾孫壁別刊其詩附以樂府陸游曰忠簡謫朱崖臨終自書銘旌曰身騎箕尾歸天上氣作山河壯本朝嗚呼可不謂偉人乎

高隱集七卷

陳氏曰高隱處士蘄春林敏功子仁撰嘗以春

秋鄉薦不第有詩文百卷號蒙山集兵火後不存

無思集四卷

陳氏曰林敏修子來撰敏功之弟

後村劉氏曰三林詩極少曾端伯作高隱小傳云有詩文百二十卷今所存十無一二兄弟皆隱君子不獨以詩重

柯山集二卷

陳氏曰齊安潘大臨郊老撰所謂滿城風雨沈重陽者也

後村劉氏曰東坡文潛先後謫黃州皆與邵老
游其詩自云師老杜然有空意無實力余舊讀
之病其深蕪後見夏均父讀邵老詩亦有深蕪
之評

溪堂集五卷補遺二卷

陳氏曰臨川謝逸無逸撰

漫叟詩話謝無逸學古高傑文詞煅煉篇篇有
古意尤工於詩

冷齋有話無逸工詩能文黃魯直讀其詩曰晁
張流也恨未識之耳無逸詩曰老鳳垂頭噤不

語枯木槎牙噪春鳥又曰貪夫蟻旋磨冷官
上竿又曰山寒石髮瘦水落溪毛彫皆爲嘗
所稱賞

竹友集七卷

陳氏曰謝邁幼槃撰逸之弟

後村劉氏曰呂紫微評無逸詩似康樂幼槃詩
似元暉按康樂一字百鍊乃出治元暉尤麗密
無逸輕快有餘而欠工緻幼槃差苦思其合元
暉者亦少然弟兄在政宣間科舉之外有歧路
可進身韓子蒼諸人或自鬻其技至貴顯二謝

乃老死布衣其高節亦不可及

日涉園集十卷

陳氏曰廬山李彭商老撰公祥之從孫

後村劉氏曰商老公擇尚書家子弟也東坡山

谷文潛諸公皆與往還頗博覽強記然詩體拘

狹少變化

清非集一卷

陳氏曰豫章洪朋龜父撰

老圃集一卷

陳氏曰諫議大夫洪芻駒父撰

西渡集一卷

陳氏曰中書舍人洪炎玉父撰洪氏弟兄四人

其母黃魯直之妹不淑早世所為賦毀壁者也

龜父舉進士不第其季羽鳴父坐上書元符入

籍終其身芻炎皆貴而芻靖康失節貶廢羽詩

不傳

後村劉氏曰三洪與徐師川皆豫章之甥龜父

警句往往前人所未道然早卒惜不多見駒父

詩尤工初與龜父游梅仙觀龜父有詩卒章云

願為龍鱗嬰勿學蟬骨蛻是以直節期乃第矣

駒父後居上坡晚節不終不特有媿於舅氏亦有媿於長君也王父南渡後為少蓬聞師川召有懷駒父詩云欣逢白鶴歸華表更想黃龍出羽淵然師川卒不能返駒父於鯨波之外王父愛兄之道至矣余讀而悲之

岷山百境詩二卷

晁氏曰王家字道輔少有能詩名世謂其詩初若不經意然遣辭屬意清麗絕人自號南陔居士宣和中以狂譎被潛伏誅

湯天隱詩十卷

晁氏曰皇朝楊恬字天隱潼川人

經籍考卷之七十一

經籍考卷之七十二

集詩集

鄱陽馬端臨貴與著

韓子蒼集三卷

晁氏曰宋朝韓駒字子蒼仙井人政和初詣闕
上書特命以官累擢中書舍人權直學士院王
甫嘗命子蒼詠其家藏太乙真人圖詩盛傳一
世宣和間獨以能詩稱云
後村劉氏曰子蒼蜀人學出蘇氏與豫章不相
接呂公強之入泐子蒼殊不樂磨淬剪截之功
終身改竄不已有已寫寄人數年而追取更易

一兩字者故所作雖少而善

許表民詩十卷

晁氏曰許彥國字表民青社人周邦彥稱其寬平優游中極物情惜乎流落不偶故世人知之者或寡也

還還集二卷

陳氏曰直龍圖閣江陵高荷子勉撰

山谷跋高子勉作詩以杜子美為標準用一事如軍中之令置一字如關門之鍵而充之以博學行之以溫恭天下士也

又跋歐陽元老詩此詩入陶淵明格律頗雍容

使高子勉追之或未能然子勉作唐律五言數十

韻用事穩貼置字有力元老亦未能也

後村劉氏曰子勉親見山谷經指授記覽多如

麥城詩押險韻畧無窘態集中健語層出紫微

公詩冰乃以殿諸人何耶可升

東湖集二卷

陳氏曰樞密豫章徐俯師川撰禧之手魯直諸

甥思陵以魯直故召用之丞相呂頤浩作書具

道上旨而一時或言其由中人以進其初除大

坡也程俱在西掖繳奏不行奉祠去其然乎否
耶然俯在位亦不聞有所建明也

山谷跋前曰洪龜父携師川上藍莊詩來詞氣
甚壯筆力絕不類年少書生意其行已讀書皆
當老成解事熟讀數過爲之喜而不寐老勇年
衰才劣不足學師川有意日新之功當於古人
中求之耳

後村劉氏曰師川豫章之甥然自爲一家不似
涇陽高自標樹藐視一世同時諸人多推下之
然集中不能皆善舊傳豫章見師川双廟詩勉

諸洪進步今双廟詩不存則其詩零落多矣師
川在靖康中以名節自任呼婢曰故事其詩云直
道度幾師柳下不應四海獨詩名可謂實錄諸
人所以推下之者蓋不獨以其詩

東萊集二十卷外集二卷

晁氏曰呂本中字居仁好問右丞之長子靖康
初權尚書郎紹興中賜進士第除右史遷中書
舍人已而落職奉祠少學山谷爲詩嘗作江西
宗派圖行於世
陳氏曰希哲之孫好問之子祖謙之祖撰江西

詩派後人以其詩入派中

後村劉氏曰紫微公作夏均父集序云學詩當識活法所謂活法者規矩備具而能出於規矩之外變化不測而亦不背於規矩也是道也蓋有定法而無定法無定法而有定法知是者則可以與語活法矣謝元暉有言好詩流轉圓美如彈丸比真活法也近世惟豫章黃公首變前作之弊而後學者知所趣向畢精盡知左規右矩庶幾至於變化不測然予區區淺末之論嘗漢魏以來有意於文者之法而非無意於文者之

法也子曰興於詩又曰詩可以興可以觀可以群可以怨邇之事父遠之事君多識於鳥獸草木之名今之為詩者讀之果可以使人興起其為善之心乎果可以使人興觀群怨乎果可以使人知事父事君而能識鳥獸草木之名之理乎為之而不能使人如是則如勿作吾友夏均父賢而有文章其於詩蓋得所謂規矩備具而出於規矩之外變化不測者後更多從先生長者游間聖人之所以言詩者而得其要所謂無意於文之文而非有意於文之文也余嘗以為

此序天下之至言也然均父所作似未能然往
往紫微公自道耳所引謝宣城好詩流轉圓美
如彈丸之語余以宣城詩考之如錦工機錦玉
人琢玉極天下巧妙窮巧極妙然後能流轉圓
美近時學者往往誤認彈丸之喻而趨於易故
放翁詩云彈丸之論方誤人又朱文公云紫微
論詩欲字字響其晚年詩多啞了然則欲知紫
微詩者以均父集序觀之則知彈丸之語非主
於易又以文公之語驗之則所謂字字響者果
亦可以退情矣

晁氏具茨集三卷

晁氏曰先君子詩集也呂本中以爲江西宗派
曾慥亦稱公早受知於陳無已從兄以道嘗謂
公宗族中最才華喻汝礪序其詩云予嘗從叔
用商迄朝人物嘉言善行朝章國典禮文損益
靡不貫洽由叔用之學而達居廊廟温厚足以
代言淵博足以顧問則以詩鳴者是豈叔用之
志也哉雖然叔用既已油然棲志於林澗曠遠
之中遇事寫物形於典屬淵雅踈亮未嘗爲悽
怨危憤之音予於是見叔用於消長用舍

之際未嘗不安而樂之者也嗟呼所謂含章內
與而深於道者非耶秦漢以來士有抱奇懷能
流落不遇往往躁心汗筆有怨誹沈抑之思氣
候急刻不能閑遠古之詞人皆是也所以往往
無所建立於天下唯深於道者遺於世而不怨
發於詞而不怒君子是以知其必能有爲於世
者也嗟乎吾於叔用豈直以詩人命之哉
陳氏曰晁冲之叔用撰冲之在群從中亦有才
華而獨不第紹聖以來黨禍既作超然獨往侍
知公武子止蓋其子也

後村劉氏曰喻汝礪所作序筆力浩大與叔用
之詩相稱余讀叔用詩見其意度宏濶氣力寬
餘一洗詩人窮餓酸辛之態其律詩云不擬伊
優陪殿下相隨于薦過樓前亂離後追書承平
事未有悲哀警策於此句者晁氏家世顯貴而
叔用不肯於此時陪伊優之列而甘隨于薦之
後可謂賢矣他作皆激烈慷慨南渡放翁可以
繼之

青溪集一卷

陳氏曰臨川汪革信民撰呂居仁序之

後村劉氏曰呂滎陽居符離信民爲教官從滎陽學故紫微公大推尊信民其詩云富貴空中花文章水上姿要知真實地惟有華嚴境蓋呂氏家世本喜談禪而紫微與信民皆尚禪學

遠遊堂集二卷

陳氏曰知江州蘄春夏倪均父撰

後村劉氏曰均父揀之諸孫集中如擬陶常五言疊疊逼貞律詩用事琢句超出繩墨言近旨遠可以諷味蓋用功於詩而非所謂無意於文之文也

歸叟集一卷

陳氏曰開封王直方立之撰其高祖顯事晉卽至樞密使直方喜從蘇黃諸名勝游家有園池娶宗女爲假承奉卽自號歸叟年甫四十而死

李希聲集一卷

陳氏曰秘書丞李錡希聲撰與徐師川潘邠老同時

楊信祖集一卷

陳氏曰楊符信祖撰未詳出處
後村劉氏曰吏道官官惡田家事事賢唐人得

意語也

陳留集一卷

陳氏曰開封江端本子之撰以上至林子仁皆入詩派

後村劉氏曰子我第也子我詩多而工江西派乃舍兄而取弟亦不可曉豈子我自為家不肯入社如韓子蒼耶

邵茂誠詩集

邵迎茂誠撰東坡序畧曰茂誠出其詩數百篇余讀之彌月不厭其文清和妙麗如晉宋間人

而詩尤可愛咀嚼有味雜以江左唐人之風

王定國詩集

王鞏定國撰東坡序畧曰古今詩人衆矣而杜子美為首豈非以其流落飢寒終身不用而一飯未嘗忘君也歟今定國以余故得罪貶海上三年一子死貶所一子死于家定國亦病幾死余意其怨我甚不敢以書相聞而定國歸至江西以其嶺外所作詩數百首寄余皆清平豐融藹有治世之音其言與志得道行者無異幽憂憤歎之作蓋亦有之矣特恐死嶺外而天子之

息不及報以忝其父祖耳孔子曰不怨天不尤人定國且不我怨而肯怨天乎余然後廢卷而歎自恨知其入之淺也又念昔者定國與顏復長道游泗水登相山吹笛飲酒乘月而歸余亦置酒黃樓上以待之曰李太白死世無此樂三百年矣今余老不復作詩又以病止酒閉門不出門外數步即大江經月不至江上眊眊焉真一老農夫也而定國詩益工飲酒不衰所至窮山水之勝不以厄窮衰老改其度今而後余之所畏服於定國者不獨其詩也

山谷序畧曰定國生長富貴其嗜好皆老書事而不寒乞諸公多下之其爲文章初不自貴珍如落涕唾時出奇壯語驚天下士及流落嶺南更折節自刻苦讀諸經頗立訓傳以示意得其作詩及他文章不守述世師儒繩尺規模遠大必有爲而後作欲以長雄一時雖未盡如意要不隨人後至其合處便不減古人

胡宗元詩集

清江胡宗元撰山谷序畧曰君自結髮至白首未嘗廢書其胸次所藏未肯下一世事也前莫

輓後莫推是以窮於立壑然以其耆老於翰墨
故後生晚出無不讀書而好文其卒也子弟門
人次其詩爲若干卷觀宗元之詩好賢而樂善
安土而俟時寡怨之言也可以追次其平生見
其少長不倦忠信之士也至於遇變而出奇因
難而見巧則又似予所論詩人之態也其興託
高遠則附于國風其忿世疾邪則附于楚辭後
之觀宗元詩者亦以是求之

畢憲父詩集三卷

河南畢憲父撰山谷序畧曰公貫穿六藝下至

安成虞初之記射匿候歲種魚相蚕之篇鼻嚏
耳鳴之占劾召鬼物之書無不口講指畫使疑
者冰開虛心者滿懷其詩筆語皆有所從來不
虛道非博極群書不能讀之昭然也

吳處士靈谷詩

王介甫序畧曰君浩然有以自養遨遊於山川
之間嘯歌謳吟以寓其所好終身樂之不厭而
有詩數百篇傳誦於閭里他日出其靈谷三十
二篇以屬其甥曰爲我讀而序之惟君之所得
蓋有伏而不見者豈特盡於此詩而已雖然觀

其鑿刻萬物而按之以藻績非夫人之巧亦孰能至於此

李少卿詩二十卷

太常少卿李簡夫撰穎濱序略曰君所為詩曠然閑放徃徃脫畧繩墨有遺我忘物之思問其所與遊多慶曆名卿而元獻晏公深知之求其平生之志則曰樂天吾師也吾慕其為人而學其詩患莫能及耳晚歲詩益高信乎其似樂天也

元里先生自然集七卷

陳氏曰江端友于我撰端本兄也休復鄰幾之孫其父懋相有遺澤于我以遜端本靖康初吳敏元中薦于我召見賜出身為京官後至太常少卿

澗上丈人詩二十卷

晁氏曰陳恬字叔易堯叟裔孫也博學有高志不從選舉躬耕于陽翟與鮮于綽崔鷗齊名號湯城三士又與晁以道同卜隱居于嵩山大觀中召赴闕除校書郎以道寄詩戲之曰處士何人為作牙暫携猿鶴到京華故山巖壑應惆悵

六六峯前只一家未幾致仕還山建炎初再召
避地桂嶺卒年七十四秩朝奉郎直秘閣澗上
夫人者其自號也詩句豪健嘗作古別離紀靖
康之難一時傳誦之筆札清勁與人尺牘主詩
藏去以為寶云

臨漢居士集七卷

陳氏曰南豐曾絃伯容撰其父阜于山於子固
為從兄弟

懷峴居士集六卷

陳氏曰曾思顯道撰絃之子也阜嘗將漕湖南

後家襄陽絃父子皆有官而皆高亮不仕楊
齋序其詩以附詩派之後

序畧曰伯容詩源安山谷先生顯道得其父句
法伯容放浪江湖間與夏均父諸詩人游從唱
和其題壁與韻見於均父集中者三十有二篇
予每誦均父之詩云曾侯第一又云五言類玄
度又云秀句無一塵想見其詩而恨不見也行
天下五十年每見士大夫必問伯容父子詩無
能傳之者今日忽得故人尚書郎江西漕雷公
朝宗寄余以二曾詩集二編屬序之披誦三過

對乎若玉井之蓮敷月露之下也沛乎若雪山之
水寫灑瀕而東也琅乎若岐山之鳳鳴梧竹之
風也望山谷之宮庭蓋排闥而入歷階而升者
歟

見南山集二十卷

陳氏曰秘閣修撰吳興劉壽無言撰

瀟山集三卷

陳氏曰中書舍人龍舒朱翌新仲撰

周平園序略曰藝之至者不兩能故唐之詩人
或略於文燕之考杜牧之乎苦心爲詩自其

長至於議論切當世之務制誥得王言之體

序碑記未嘗苟作予每讀其書愛之恨不同時

今吾先友桐鄉朱公似之公世文儒少年登政

和進十第時人諱言詩公獨沉涵六義思繼作

者南渡後登館閣掌書命文章浸顯于朝中作

時宰謫居曲江十有四年昌其詩放厥詞蓋恢

久窮極益自刻苦於山水間迨北歸則詩益老

文益竒遂以名家其子軾等類公遺藁凡四十

四卷屬余序之

曾文清集十五卷

陳氏曰禮部侍郎章貢曾幾吉父撰本朝曾氏
三望最初溫陵宣靖公公亮明仲次南豐舍人
鞏子固兄弟然其祖致堯起家又在溫陵之先
矣其後則幾之族也自贛徙河南與其兄楸叔
夏開天游皆嘗貳春官楸至尚書開沮和議得
罪並有名於世又有長兄弼爲湖北提舉學事
渡江溺死幾以其遺澤補官詮試第一賜上舍
出身清江三孔之甥也紹興末幾已老始擢用
乾道中年八十三以死號茶山先生其子逢達
守顯於時

天台集十卷外集四卷長短句三卷

陳氏曰臨海陳克子高撰李更子長跋其後云
刪定鄉人也少小侍運判公貽序官學四方曾
皓詩選叙爲金陵人蓋失其實今老集中首末
多在建康且嘗就試焉當是僑寓也詩選又言
不事科舉以呂安老薦入幕府得官按集有聞
榜二絕則嘗應舉矣又有甲午歲所作詩云三
十四則其生當在元豐辛酉得官入幕蓋已老
矣詩多情致詞尤工

西溪居士集五卷

陳氏曰劍川姚寬令威撰待制舜明廷輝之子
兄宏令聲為剛定官得罪秦檜死大理獄寬為
六部監門逆亮入寇寬言本德所照必無虞言
驗將除即召對得疾仆殿上卒遂用其弟憲令
則後至執政

集句詩三卷

陳氏曰江陰葛次仲亞卿撰勝仲之兄兄弟皆
為大司成

盧溪集七卷

陳氏曰直敷文閣廬陵王庭珪民瞻撰政和八

年進士仕不合棄去隱居數十年坐作詩送胡
邦衡除名徙辰州年已七十笑阜陵初政召為
國子監主簿九十餘乃終寄祿纔承奉即澤竟
不及後周益公在位欲委曲成就之卒不可
楊誠齋序略曰先生少嘗見曹子方詩法蓋其
詩自少陵出其文自昌黎出大要主於雄剛渾
大云清江劉清之子澄詳先生之文謂廬陵自
六一之後惟先生可繼聞者躋焉

韋齋小集一卷

陳氏曰朱松喬年撰

玉瀾集一卷

陳氏曰朱棣逢年撰韋齋之弟晦庵之叔父也嘗夢爲玉瀾堂之游甚異有詩紀之

雲壑隱居集三卷

陳氏曰南城蔡柎堅老撰宣和以前人沒於乾道庚寅曾公卷呂居仁輩皆與之唱和

陳正獻集十卷

陳氏曰丞相福正獻公莆田陳俊卿應求撰紹興八年進士第二人乾淳間名相與虞井甫異論去國

靜叅堂集十卷

陳氏曰叅政莆田龔茂良實之撰黃公度以莆人魁天下陳正獻次之故事拜黃甲推最老者一人最少者一人是歲茂良年最少莆人以為盛事後叅大政相位久虛寔行相事坐撻曾覲直省官忤阜陵意用謝廓然賜出身入臺擊罷之遂謫英州以沒其風節凜凜爲世名臣

寓山集三十卷

陳氏曰吳興沈仲詰明遠撰丞相該之姪紹興五年進士改官爲江西運管嘗爲悲扇工詩忤

魏良臣階以深文奪三官不得志以卒

劍南詩藁二十卷續藁六十七卷

陳氏曰陸游務觀撰初為嚴州刻所藁止淳熙丁未自戊申以及其終當嘉定庚午二十餘年為詩益多其幼子子適後守嚴州續刻之篇什富以萬計古所無也

後村劉氏曰近歲詩人雜博者堆隊仗空疎者窘材料出竒者費搜索縛律者少變化惟放翁記問足以貫通力量足以驅使才思足以發越氣魄足以陵暴南渡而下故當為一大宗末年

云客從謝事歸時散詩到無人愛處工又云外物不移方是學俗人猶愛未為詩則皮毛落盡矣

雪巢小集二卷

陳氏曰東魯林憲景思撰初寓吳興從徐度敦立游後為叅政賀允中子忱孫壻寓臨海其人高尚詩清澹五言四韻古句尤佳殆遍陶謝梁谿尤延之誠齋楊廷秀皆為之序且為雪巢賦及記余為南城其子遊謁至邑以家集見示愛而錄之及守天台則板行久矣視所錄本稍多

然其暮年詩似不逮其初往往以貧為累不能
不衰索也

誠齋序畧曰延之謂景思詩似唐人信矣然至
如桃花飛後楊花飛楊花飛後無可飛天空霜
無影等句超出詩人準繩之外其遐不可追其
卓不可改矣使李太白在必笑領此句也似唐
人而已乎

王季夷北海集二卷

陳氏曰北海王喁季夷撰紹淳間名士寓居吳
興陸務觀與之厚善三子甲由申皆登科

易足居士自鳴集十五卷

陳氏曰鄱陽章甫冠之撰居吳下自號轉庵作
易足堂韓無咎為之記

屏山七者翁十卷

陳氏曰從事郎崇安劉璠平父撰子暈若冲之
子也

玉雪小集六卷外集七卷

陳氏曰太常博士龍泉何侗德揚撰隆興初在
朝言和議觸時相去後不復召歷麾節而卒

雪山集三卷

陳氏曰富川王質景文撰質游太學治詩有聲
仕為樞屬嘗著詩辨三十卷未之見也

景物類要詩十卷

陳氏曰東陽曹冠宗臣撰隨物為題類事詩凡二
百餘篇冠為秦檜客與其孫墳同登甲科未幾
秦亡奪前名恩數再赴廷試仕至知柳州

同庵集一卷

陳氏曰吳興施士衡德求撰嘗試中教官為宣
州簽幕坐廢雖牽復仕竟不進

補山老人集八卷

陳氏曰龍泉季相文成撰

三逕老人砒砒集十三卷

陳氏曰福建提舉常平昭武杜杞受言撰胡憲
原仲為之序其上市龍圖閣直學士鎬本常州無
錫人其孫天章閣待制杞於杞為曾祖

穀城集五卷

陳氏曰建安黃銖子厚撰晦庵為序極稱之

松坡集七卷樂府一卷

陳氏曰丞相豫章京鏜仲遠撰嘗使虜執節驩
用其在相位當韓侂胄用事無所立

白石道人集三卷

陳氏曰鄱陽姜夔堯章撰千蕭東夫識之於年少客游以其兄之子妻之石湖范至能尤愛其詩楊誠齋亦愛之賞其歲除舟行十絕以為有裁雲縫月之妙手敲金戛玉之奇聲夔頗解音律進樂書免解不第而卒詞亦工

轉庵集一卷

陳氏曰閣門舍人永嘉潘檉德久撰

王秘監集四卷

陳氏曰永嘉王柎叔撰

順庵詩藁

四明劉應時良佐撰楊誠齋序畧曰君之詩放翁陸務觀既摘其佳句序之余尚何言偶披卷讀至云寂寞黃昏愁弔影雪窓怕上短檠燈又燭與梅花共過冬淡月故移疎影去又睡魔正與詩魔戰窓外一聲婆餅焦又早行云鷄犬未鳴潮半落草蟲聲在豆花村使晚唐諸子與半山老人見之當一笑曰不虞君之涉吾地也何故

歐陽伯威詩

廬陵歐陽伯威少與周益公同場屋連戰不利
篤意於詩誠齋嘗摘其警句抄之如西風五更
雨南鴈數行書詩成夔子國人在仲宣樓細雨
雙飛鷺寒蓑獨釣舡夢回千里外燈轉一牕深
誰知花過半纔與酒相尋故人驚會面新恨說
從頭天上張公子雲間陸士龍月白玄猿哭更
殘絡緯悲語離邊如許話舊復何時巷南巷北
招飲一雨一晴花耐看有客過門湖海士隔
籬呼酒咄嗟間夢回金馬玉堂上文在水甌雪
梳中青山如故情非故芳草喚愁詩遣愁擾擾

征人相顧語蕭蕭落木不凋秋風色似傳花信
到夕陽微放柳稍晴千里歸來人事改十年猶
幸此身存絕句四首戀樹殘紅濕不飛揚花雪
落水生衣年來百念成灰冷無語送春春自歸
桑麻得雨更青葱芍藥留春結晚紅怪得鳥聲
如許好此身還在亂山中為憐紅杏亞枝斜看
到斜陽送亂鴉又是一春窮不死天教留眼看
鶯花蓬窻卧聽疎疎雨却似芭蕉夜半聲烟浪
蔽天天倚蓋略容一點白鷗明公跋云鳥啼花
落欣然會心趣酌太白燕伯威詩歇馭風騎氣

也

醒庵遺珠集十卷

陳氏曰臨川余國寶撰淳熙前人

白石丁藁一卷

陳氏曰三山黃景說巖老撰淳熙辛丑進士

復齋漫藁二卷

陳氏曰知台州黃笛子耕撰

梅山詩藁六卷續藁十五卷

陳氏曰括蒼姜特立邦傑撰以父死事得西班

累舉不第晚為閣職春坊攀附已酉龍飛恩至

節度使周益公留衛公皆為其所問特立詩亦

粗佳韓無咎陸務觀皆愛之本亦士人也塗轍

一異儼然誓御之態豈其居使之然耶

冷然齋集二十卷

陳氏曰山陰蘇洞石叟撰丞相子容四世孫歸

德仁仲之孫

曾欲父詩詞一卷

陳氏曰知台州曾惇欲父撰紆之子也皆在台

時所作

瓦全居士詩詞二卷

陳氏曰太常博士寧海王澡身甫撰初名津字子知

疎寮集三卷

陳氏曰四明高以孫續古撰少有俊聲登甲辰科不自愛重為館職上韓侂胄生日詩九首皆暗用錫字為清議所不齒晚知處州貪酷尤甚其讀書以隱僻為博其作文以怪澁為奇至有甚可笑者就中詩猶可觀也

徐照集三卷

陳氏曰永嘉徐照道暉撰自號天民

徐璣集二卷

陳氏曰徐璣致中撰

翁卷集一卷

陳氏曰翁卷靈舒撰

趙師秀集二卷別本天樂堂集一卷

陳氏曰趙師秀紫芝撰四人者號永嘉四靈皆晚唐體者也惟師秀嘗登科改官亦不顯水心徐道暉墓誌畧曰道暉有詩數百斷思尤奇甘橫絕歛起冰懸雪跨使讀者變蹕惻慄肯首吟嘆不自已然無異語皆人所知也又不能

道耳蓋魏晉名家多發興高遠之言少騷物切
近之實及沈約謝朓永明體出土爭効之初猶
甚艱或僅得一偶句便已名世矣夫東字十餘
五色彰施而律呂相命豈易工哉故善爲是者
取成於心寄妍於物融會一法涵受萬象猶苓
桔梗時而爲帝無不按節赴之君尊臣卑賓順
主穆如九投區矢破的此唐人之精也然馱之
者謂其纖碎而害道淫肆而亂雅至於延設九
奏廣袖大幅而反以浮響疑宮商布縷謬組繡
則失其所以爲詩矣然則發今人未悟之機回

百年已廢之學使後復言唐詩者自君始不亦
詞人墨客之一快也惜其不尚以年不及臻乎
開元元和之盛而君既死同爲唐詩者徐璣字
文淵翁卷字靈舒趙師秀字紫芝紫芝集常表
朋殯且葬之

李孟達集一卷

陳氏曰宗正丞宣城李燕孟達撰唐末李咸用
披沙集者即其遠祖也嘗知台州時稱善士

柯東海集十五卷

陳氏曰莆田柯夢得東海撰嘗試春官不第

山中集一卷

陳氏曰莆田趙庚夫仲白撰兩上春官不第以
取應得右選不得志而沒劉潛夫志其墓擇其
詩百篇屬趙南塘序而傳之

後村劉氏墓誌畧曰仲白平生志業無所涉一
寓之詩叢藁如山和平冲澹之語可咀而味憤
悱悲壯之詞可愕而怒流離顛沛之作可怨而
泣也遇貴公張宴廣坐命題衆賓方頓呻管度
仲白已飛筆滿軸神色自得蓋其所挾高未嘗
斲壓人而每出入上故愛仲白者少散而忌之

者衆矣其詩最多自刪取五百首

磬沼集一卷

陳氏曰崇仁羅鑑正仲撰樞密春伯之從弟磬
沼者爲池因地曲折如磬然

茅齋集二卷

陳氏曰南城鄧繼祖撰

梅林集十卷

陳氏曰吳郡沈繼祖撰慶元初有爲察官者家
富川豈即其人固不足道詩亦無可觀者

花翁集一卷

陳氏曰開封孫惟信季繁撰在江湖中頗有標致多見前輩多聞舊事善雅談長短句尤工嘗有官弃去不仕

惠崇集十卷

陳氏曰淮南僧惠崇撰與潘閻同時在九僧之數亦善畫

天竺靈苑集三卷採遺一卷

陳氏曰錢塘僧遵式撰所謂式懺主者也

渚宮集三卷

陳氏曰錢塘僧文瑩道温撰及識蘇子美嘗題

其詩後欲挽致於歐陽永叔而瑩辭不往老於荊州之金鑾鄭毅為作序

揀金集一卷

陳氏曰螺江僧可尚撰有送徐鉉詩蓋國初人

螺江集一卷

陳氏曰僧有朋撰號困山禪師族陳氏閩帥叢

六世孫

祕演詩集

釋祕演撰歐陽公序略曰祕演與石曼卿交最久亦能遺外世俗以氣節相高二人懽然無所

間曼卿隱於酒祕演隱於浮屠皆奇男子也然
喜爲歌詩以自娛當其極飲大醉歌吟笑呼以
適天下之樂何其壯也一時賢士皆願從其游
予亦時至其室十年之間祕演北渡河東之濟
鄆無所合因而歸曼卿已死祕演已老病嗟夫
二人者予乃見其盛衰則余亦將老矣夫曼卿
詩辭清絕尤稱祕演之作以爲雅健有詩人之
意祕演狀貌雄傑其中浩然既習于佛無所用
獨其詩可行于世而懶不自惜已老怯其索尚
得三四百篇皆可喜者曼卿死祕演漠然無所
向聞東南多山水其巔崖岷嶂江濤洶涌甚可
壯也遂欲遠遊焉凡以知其老而志在也

惟儼集

釋惟儼撰杭州人姓魏氏歐陽公序其詩曰與
亡友石曼卿最善居京師相國浮圖不出其戶
十五年士嘗遊其室者禮之惟恐不至及去爲
公卿貴人未始一徃干之然嘗竊怪平生所交
皆當世賢傑未見卓卓著功業如古人可記者
因謂世所稱賢材若不答兵走萬里立功海外
則當佐天子號令賞罰於明堂苟皆不用則絕

寵辱遺世俗自高而不屈尚安能酣豢於富貴
而無爲哉醉則以此誚其坐人人亦復之以謂
遺世自守古人之所易若奮身逢時欲必就功
業此雖聖賢難之周孔所以窮達異也今子老
於浮圖不見用於世而幸不踐窮身之塗乃以
古事之已然而責今人之必然邪雖然惟儼傲
乎退偃於一室天下之務當世之利病聽其言
終日不厭惜其將老也已曼卿死惟儼亦買地
京城之東以謀其終乃歛平生所爲文數百篇
示予曰曼卿之死旣已表其墓願爲我序其文
見其志矣

參寥集十二卷

晁氏曰皇朝僧道潛自號參寥子與蘇子瞻秦
少游爲詩友其詩清麗不類浮屠語世稱其東
園贈歌者兩絕句餘多類此

陳氏曰唐人舊有號參寥子者用莊子語也
右山序曰妙摠師參寥大覺老之嗣眉山公之
客而少游氏之友也釋門之表士林之秀而詩

苑之英也游卿大夫之間名于四海三十年餘
矣其議古今張弛人情貌肖否言之從違詩之
精粗若水赴壑阪走丸倒囊出物驚鳥舉而風
迫之也若升高視下爬痒而鑑貌也元符之冬
去魯還吳道徐而來見余與之別餘二十年復
見于此愛其詩讀不捨手屬其談挽不聽去復
相語及唐詩僧參寥子曰貫休齊已世薄其語
然以曠蕩逸群之氣高世之志天下之譽王侯
將相之奉而為石霜老師之役終其身不去此
豈用意於詩者上拙不是病也由是而知余之所

貴乃其棄遺所謂淺為丈夫者乎於其行叙以
謝之

希白詩三卷

晁氏曰僧希白撰張逸序之曰希白能詩與宋
白梁周翰張詠而下十數公友善其格律不減
齊已云

物外集三卷

陳氏曰僧德洪覺範撰

瀑泉集十三卷

陳氏曰僧祖可正平撰蘇養直之弟有惡疾號

癩可
貞隱集三卷

陳氏曰僧善權巽中撰靖安人落魄者酒

化庵湖海集二卷

陳氏曰僧法具圓復撰吳興人

浯溪集二十一卷

陳氏曰僧顯萬撰洪景廬作亭前二卷為賦餘

皆詩也

女郎謝希孟集二卷

陳氏曰閩人謝景山之妹嫁陳安國年三十三

而死其詩甚可觀歐陽公為之序言有古淑女
幽閒之風雅非特婦人之言也景山者按歐陽
詩話言謝伯初字景山當天聖景祐間以詩知
名余謫夷陵景山方為許州法曹以長韻見寄
頗多佳句仕不遇困窮以卒詩亦不見於世此
序又言景山少以進士一舉甲科考登科記天
聖二年甲科但有謝伯景而謝伯初者乃在寶
元元年公謫夷陵當景祐三年景山已為法曹
則非寶元登第者名字差闕如此未可考也
歐陽氏序畧曰希孟之言尤隱約深厚守禮而

不自放有古幽閒淑女之風非特婦人之能言者也然景山嘗從今世賢豪者游故得聞於當世而希孟不幸為女子莫自章顯於世昔衛莊姜許穆夫人錄於仲尼而列之國風今有傑然巨人能輕重時人而取信後世者一為希孟重之其不泯沒矣

魏子王安之集一卷

陳氏曰簡池王亢子蒼之女尚恭字安之年二十未嫁而死乾道戊子也亢自志其墓有任公鼎者為作集序援歐公所序謝希孟為此而稱其

詩不傳今余家有之任蓋未之見也

英華集三卷

陳氏曰李季萼死後為鬼仙事見夷堅志紹雲人傳其集亦怪矣

西



西

西

